

卷一

續資治通鑑卷之十二

宋寧宗一



乙卯慶元元年春正月丁亥蠲兩淮租稅。黎州蠻寇邊。詔兩浙淮南江東路荒歉諸州收養遺棄小兒。以陰雨賑濟行在貧民。尋詔釋大理三衛臨安府兩浙路杖以下囚。丙辰白虹貫日。二月詔兩浙諸州勸民耕墾荒田。詔帥臣監司歲終考郡守臧否以聞。趙汝愚罷相。右正言李沐奏乞罷趙汝愚。政柄以尊安天位。杜塞姦源。是日汝愚竟出浙江亭待罪。詔宣押赴都堂治事。沐又再上書。汝愚遂罷相。章穎徐誼上疏乞留汝愚。李祥楊簡坐汝愚黨並罷。太學生楊宏等六人上書。竊見諫官李沐論前相趙汝愚所為。平戾隨即罷去。若慮陛下父子之際。懷不自安。故黜汝愚。以安天下。亦未為過。如沐所言。則以為汝愚自居同姓。數談夢兆。專政擅權。欺君植黨。殆將不利於陛下。以此加詆其實。不然。汝愚之去。中外咨憤。而言者以為父母。嗚呼。蒙蔽天聽。一至於此。章穎發於中。激力辨其非。即遣

斥逐既而祭酒李祥博士楊簡相继抗論毅然求去一旦祥有
補外之命惡其與簡扶植正論潔身而去極力擠排同日報罷
六館之士拂膺憤怨涕泣而相告曰使二人者苟有一毫為已
之私豈肯自附於已去之宰相而犯虎豹九關之怒哉今李沐
自知邪正之不兩立而公論之不直於已乃欲盡覆正人以便
其私必託明黨以罔陛下之聽臣自二人之去若未足惜殆恐
君子小人消長之機於此一判則靖康已然之驗何堪再見陛
下獨不念去歲之事乎人情驚疑變在朝夕當是時假非汝愚
出死力定大議使陛下得以成壽康皇帝揖遜之志行孝宗皇
帝未舉之喪雖百李沐固知依濟當國家多難汝愚方位樞府
本兵柄指揮操縱何向不可尚不於此時為利今朝廷清明上
下安妥乃有異志乎願陛下念汝愚之忠勤察祥簡之非黨灼
李沐之回邪竄李球以謝天下還祥簡以收士心詔安中等委
亂上書扇搖國是各流五百里中書舍人鄧駟言臣仰惟國家
開設學校教養士類德至渥也自建太學以來上書言事者無

時無之累朝仁圣相继天覆海涵不加之罪甚者押歸本貫或
他州聽讀而已紹熙間有布衣余古上書狂悖若以指斥之罪
坐之誠不為過太上皇帝始者震怒降旨編管已而臣寮論奏
竟從寬典陛下今日編管楊安中等六人若以扇搖國是非之
則未若指斥未與之罪大也以六輩言之則一夫為至寡也聖
朝初政仁厚播聞睿斷過嚴人情震駭所有錄黃未敢書行是
日有旨李沐除右諫議大夫劉德秀除右正言知臨安府錢象
祖補諸生押送貶所未幾駟罷出知泉州仇曾既誅有旨褒錄
上書士宏中衢皆循一資端朝仲麟各免文解一次傳已死
以來帛賜其家

呂中曰父有天下傳歸於子此古今之常也後世以人臣往
往貪天之功以為己力非小人之尤者乎嘗聞哲廟之立本
宣仁保祐之賜與諸大臣建請之功羣愴矯誣乃以定策歸
功蔡確而上諂宣仁下累王珪遂為元祐大臣不可解之禍
其在輒可鑒矣今我寧考纂承大統蓋慈福宮定計于內趙

忠定諸臣効贊於外，仇胄何人，黃緣戚里，蒙蔽朝廷，既據奪其功，掩為已有，猶且附會言章，竄之於必死之地，亦獨何心哉！然則確與仇胄其罪俱不可勝誅矣。

余端礼兼參知政事，四月為右丞相，京鐘知樞密院事。己卯，丙戌朔，日有食之。庚寅，太白經天。命侍從等官集議江南、松江諸州行鐵錢利害條具以聞。夏四月丁巳，太府寺丞呂祖儉上疏乞留汝愚，併論朱熹、彭龜年不當逐，語侵韓侂胄故也。中書舍人鄧馱封還錄黃，詔祖儉志在無君，其罪當誅。姑從寬，斥乃安。置韶州，尋改吉州。都城大疫。詔戒厲風俗，時知名之士罷斥，相繼入情洵。韓侂胄患之，侍御史楊大法右正言劉德秀乃乞降詔以國是尊君中道等事訓飭在廷，有不如詔者重置典憲，詔乃直學士院傳伯壽所草也。伯壽則奴事仇胄，謀人獲師，且致身通顯，至是草詔以詆善類。丙午，置廣惠倉，詔諸路提舉司置修貽養令。劉德秀上言：「邪正之辨無過於真與偽而已。彼口道先王語而行如市人所不為，

則作亦

去作之
無子字

在興王之所必斥也。昔孝宗垂意規恢，首務核實，凡虛偽之徒言行相度者未嘗不深知其奸。願陛下以孝宗為法，考核真偽以辨邪正，詔下其章。庚午，德秀又劾國子博士孫元卿、太學博士袁燮、國子正陳武皆罷去。司業汪達入劄子辨之，德秀以為狂言，達亦罷。己未，復置臺諫言事簿。庚午，詔三衛江上諸軍主帥將佐舉自代一人歲舉所知二人。癸酉，命韓侂胄為樞密都承旨，因辭乃拜保寧軍節度使，提舉萬壽宮。初，徐誼嘗告汝愚以節度使界仇胄，汝愚不許。至是建節。秋七月丁酉，御史中丞何澹上疏論專門之學流而為偽，空虛短拙，文詐法名，願風厲學者。寺師孔孟不必自相標榜，詔榜朝堂。後七日，吏部郎官糜師旦三建言請考執真偽，未幾遷左司員外郎。時有張貴謨者指論太極圖說之非，澹又在疏論在朝之臣大臣既熟知其邪正之迹，然不敢白發，以招報復之禍，望明詔大臣去其所當去者。

漢作標

呂中曰：我朝自王安石以新經破舊說，凡學校科舉之間皆

以王氏之經從事士用新進國尊新法而天下自是多事矣
孝宗皇帝崇尚伊洛之學一時明師大儒相繼而奮張栻在
湘朱熹在閩呂祖謙在浙皆推明是學以續孔孟正脈之傳
天下學者翕然從之得共統者互以傳授凡巖谷草野之間
皆出一轍學校科舉取人士大夫立身事君無不源流于是
學之中涵養陶成士習粹美自小人用事推靡道學而名之
以偽海內之士濶倒風從不惟禮義庶幾有所不顧而學士
大夫之衣冠二更變以趨時未几異說橫興弊端驟起非朝
廷慨然鋤去大奸以復正學幾為東南不可解之禍師道不
立其流弊乃至此哉曩者紹興之前一時風俗之好尚為士
者喜言時政為吏者喜立功名誠不能無所偏而執事懲之
過甚遂一舉而厭薄之稍自好者以偽學歛自立者競以朋
黨從是世始毀方為負變真為佞而流風之弊有不可勝言
者矣

者下脫一字黃本亦脫

黃本按文義當空格

○何澹復言趙汝愚乃落職罷祠十一月責授寧遠軍節度副

不作未

黃本脫英州句

使永州安置徐誼坐言汝愚亦貶南安軍明年汝愚卒于永州汝
愚既責道過衡州已病又為守臣錢鞏所窘遂自服藥而卒天
下冤之訃聞有旨追復元官許煇葬中書舍人汪義端徵還復
官之會從之時有迪功郎趙希召者上書乞斬汝愚事雖不行
然仇曹之黨以汝愚有定策功惟恐其復進故當時謂汝愚不
死事固不可知也○已亥太白晝見○八月己巳詔內外諸軍
主帥條將佐士卒器械船艦可用與否及控扼防守之策以聞
○都城水○以久雨決繫囚○冬十月乙丑陞潛藩府以秀州
為嘉興府舒州為安慶府嘉州為嘉定府英州為英德府○十
一月己酉兩土○戊戌加上帝后尊號壽聖隆慈備福太皇太
后尊號加惠慈二字太上皇帝聖號曰聖安仁壽太上皇后尊
號曰仁壽○命宰執大閱○庚戌何澹言薦舉弊○是月詔諸
司連街薦舉○十二月朱熹上疏辭職名詔依舊祕閣修撰仍
舊營現

丙戌慶元二年春正月戊子雷○庚寅余端礼為左丞相京鐘

為右丞相鄭僑知樞密院事謝深甫參知政事何澹同知樞密院事京鏜自上登極與侂胄深交遂為執政。○劉德秀論留正四大罪其首云已招引偽學以危社稷乃落職罷祠韓侂胄本武人志在招納納賄除不附已而已不能巧為說以繼善類也而士大夫嗜利無耻或素為清議所擯者乃教侂胄言凡相與為異者皆道學人也陰疏姓名授之俾以次斥逐或又為言名道學則何罪當名曰偽學蓋謂貪黷放肆乃人真情其廉潔好修者皆偽也於是檢士險狠猥薄無行之徒利其說之便攘臂奮袂以攻偽學進而學禁之禍酷矣。○二月知貢舉葉翥倪思劉德秀奏論文弊上言偽學之魁以匹夫竊人主之柄鼓動天下故文風未能丕變乞將語錄之類尽行除毀是科取士稍涉義理悉見黜落六經語孟中庸大學之書為世大禁矣六月張釜請申禁偽學中書舍人汪義瑞引唐李林甫故事以偽學之黨欲盡除之一時號為君子無不斥逐太皇太后聞而非之乃詔臺諫給舍論奏毋及舊事務在平正以副朕敕偏建中之意

賢作才

御筆既出韓侂胄及其黨皆怒時劉德秀為諫長與察官張伯垓等上疏言繼自今旧奸宿惡或滋長不悛臣等不言則誤陛下之進用言之則礙今日之御札若俟其敗壞國事如前日而後進言則徒有噬臍之悔三者皆無一而可望下此章播告中外令舊奸知朝廷紀綱尚在不至放肆從之尋詔改不必更及舊事為不必專及舊事自是侂胄與其黨攻治之志愈急矣御筆之出也黃黼為殿中侍御史獨上言治道在黜其首惡而任其賢使賢者不失其職而不才者無所憾故仁宗嘗曰朕不欲留人過失於心此皇極之道也至於前事有合論列事休明證有開國家利害者臣不敢以不正對疏奏黼竟徙他官未幾罷去而姚愈遷殿中侍御史八月丙辰太常少卿胡紘建言比年偽學猖獗圖為不軌近元惡殞命羣邪屏迹或者議取前日偽李之姦黨次第用之望宣諭宰執叔住進擬後二日遷知起居舍人十一月監察御史沈繼祖奏朱熹剽切張載程頤之餘論以喫菜事魔之妖術以箒鼓後進張浮駕誕私立品題收召四方

無行義之徒以益其黨伍伯與餐麕食淡衣褒帶博或會徒於廣信鵝湖之寺或呈身於長沙敬簡之堂潛形匿迹如鬼如魅及不忠不孝不仁不義不公不廉等乞褫職罷祠其徒蔡元定佐熹為妖乞送別州編管詔朱熹落秘閣修撰罷宮現竄元定于道州侂胄欲論朱熹無敢先發者絳旣然任責物色無所得經年醞釀成章乃成會建禮樂之議遷太常少卿絃遂以臺授繼祖云

呂中曰治平以前臺諫之所彈擊出於議論之公熙豐以後臺諫之所彈擊出于現望之私王呂用事其所惡者蘇軾孔文仲也故李定謝景溫為之鷹犬章蔡弄叔其所惡者元祐諸君子也故張商英來之即為之鷹犬秦檜賣國其所惡者岳飛張浚也故蕭俛高何若為之鷹犬今侂胄擅命其所惡者非道李之名儒乎而李沐沈繼祖輩之所彈劾一則曰偽學二則曰偽黨是亦侂胄之鷹犬耳

復置編修勅令所提舉官。三月己亥皇弟栢封吳興郡王。

無有字

孝宗之喪上實以嫡孫行三年服監察御史胡紘言皇帝為孝宗喪當服期詔侍從百官議釋服吏部尚書葉翥等言請以六月六日大祥禮畢皇帝及百官並絕書服七月一日皇帝御正殿饗祖廟將來禫祭令禮官檢照累朝禮例施行。四月庚戌詔羣臣所議雖合禮經然非朕追慕之意。丙午上慶元會計錄。傳伯壽言國子生負多濫請自令職事官期親釐務官子孫乃得試補從之。夏四月甲子余端禮罷。壬申何澹參知政事葉翥簽書樞密院事。乙亥增置監察御史一員。五月不雨。辛卯賜舉人鄒應龍四百九十有九人。甲午減諸路折帛和買錢三年。建華文閣奉藏孝宗皇帝御集。甲辰改慈福宮為壽觀宮。六月乙丑命監司帥守各於歲終以所部縣令分減否上中下三等合平而為七次春王奏頌之考功取旨陞擢。丙子皇子竣生至八月薨追封克王謚曰冲惠。秋七月丙戌以生皇子詔諸路死罪囚釋杖以下流人呂祖儉等量移內郡太學生楊宏等各押歸本貫聽讀。戊子劉德秀請

付檢正都司考校守臣所陳便民五事取其近情合理者以聞
 ○八月戊戌韓侂胄特加開府儀同三司方壽現使○九月丁
 亥復分刺州為東西路○冬十月戊申上冊宝于慈福壽康宮
 ○辛亥冊皇后韓氏○甲戌大閱○十一月庚寅上詣壽康宮
 上太上皇帝寬恤詔令○壬辰京鏜上孝宗淳熙寬恤詔令○
 韓侂胄為其父韓氏請謚誠乃神宗外孫也娶憲聖皇后女弟
 積官橫行承宣使未嘗更歷事任時黃唐為考功即言其不可
 因求去遂命館職官一負暫叔考功遂謚誠曰忠定
 丁巳慶元三年春正月壬寅樞密鄭僑罷謝深甫兼知樞密院
 事○二月神宗玉牒高宗寔錄成○大理司直邵衷然請詔大
 臣自今叔臣之黨偽學之徒不得除在內差遣詔下其章○復
 紹熙陞差將校法委主帥選擇審覈保明○三月建東華門○
 竄內侍王德謙上即位德謙驟遷承宣使是春德謙求建節上
 許之德謙乃薦吳宗旦為刑部侍郎直學士院宗旦為德謙草
 制且引天寶同光故事為比臺諫交章遂寢其命言者以宗旦

交結德謙坐追三官又劾德謙為人求官職以鉅萬計嘗以導
 駕燈籠自奉服食擬乘輿獄未成降為團練使使居撫州十二
 月安置汴州○禁浙西園田○詔有司奏讞訟罪不當者論如
 律○夏四月丙午雨土○旱○乙丑雨雹○閏六月甲戌內出
 銅器付尚書省毀之民間並赴官收賣○甲子論留正共引偽
 學之罪貶邵州○大奚作亂○秋八月戊子復置嚴州神泉監
 ○甲午均諸路職田○九月壬寅以早詔四川制置總領諸司
 蠲放民賦○乙丑令帥臣監司減否郡守○詔監司郡守薦舉
 改官並於奏牘前甘結声說非偽學之人秋當大比漕司前期
 取家狀必欲書以不是偽學五字時有柴中行為撫州推官獨
 申漕司云自幼習易讀程氏易傳未委是與不是偽學如以為
 偽不願考校士論准之十二月知綿州三沈乞置偽學之籍仍
 自今曾度偽學舉薦閑陞及刑法庶吏自代之人並令省部籍
 記姓名與閑慢差遣從之偽學黨逆得罪者凡五十九人
 宰執四人趙汝愚留正王藺周必大待制以上十三人朱熹

徐誼彭龜年陳傳良薛叔似章穎鄭湜樓鑰林大中黃由黃
 黼何異孫逢吉餘官三十一人劉光祖呂祖儉葉適楊方項
 安世沈有開曾三聘游仲鴻吳獵李祥揚簡趙汝讜趙汝談
 陳峴范仲黼汪達孫元卿袁燮陳武田澹黃度張體仁蔡幼
 李黃灝周南吳柔勝李皇王厚之孟浩趙鞏白炎震武臣三
 人皇甫斌危仲壬張致遠士人八人楊宏中周端朝張衛林
 仲麟蔣傳徐範蔡元定呂祖恭
 太學生削何澹名治其罪。冬十一月癸酉雷。丙申赦。十
 一月辛丑上孝宗徽號加紹統同道冠德昭功八字。是日太
 皇太后崩于慈福宮詔報期明年加謚憲聖慈烈皇后。癸卯
 日南至祀天地于圜丘。赦天下。壬子中駕自慈福宮還火
 內。十二月丙子始御正殿。丁丑紹興府以太后殯官故蠲
 貧民身丁折帛絹綿錢。甲申雨土。詔銓試依旧制二人而取
 一。革樞密院以密白補官
 戊午慶元四年春正月京尹趙師異除工部侍郎侂胄妻早死

有四妾皆郡封夫人其次十人各有名位去歲有獻北珠冠四
 枚者侂胄喜以遺四夫人而十人愠侂胄患之師異時守臨安
 亟出十萬緡市北珠為十珠冠乘侂胄入朝未歸道人致饋十
 人者大喜分持而去侂胄歸十人者咸來致謝遂以翼日都市
 行灯羣婢皆頂珠冠而出明日語侂胄曰我曹夜來過朝天門
 都人以為稀有成聚現焉郡王奈何不與趙大卿轉官耶翼日
 又言之故有是命侂胄嘗與眾客飲南園過山莊指其竹籬苑
 舍而謂曰此真田舍間氣象所惜者如鷄鳴犬吠耳少焉有犬
 嗥于叢泊之下亟遣視之京尹趙侍郎也侂胄大嘆其後京尹
 坐他事罷諸生為詩誚之有七言學犬吠村莊之句即指此也
 丙寅葉翥同知樞密院事七月罷。丁卯兩浙江淮荆湖四
 川民流詔有司舉行寬恤之政。二月辛未詔兩省侍從臺諫
 各舉所知一人毋舉宰執子弟親黨。三月己丑以憲聖殯宮
 之役錫臨安紹興賦租稅有差。經進進讀三朝寶訓。夏五
 月己亥韓侂胄為少傅賜玉帶以朝。己酉詔禁偽學。禁女

冠母入大内。秋七月。茶。丁逢入見極福元祐建中調
 傳之官且引獲輟仕伯雨之言為證時薛叔似葉適生汝愚黨
 以斥皆起家為郡故逢有是言宰執京鐘何澹大然之翌日除
 軍器監。八月久雨命決繫囚丙子謝深甫知樞密院事兼參
 知政事許久之同知樞密院事。庚辰白氣亘天。丙戌以太
 上皇帝聖躬清復詔諸壽康宮上壽。九月壬寅太白晝見。
 癸卯太白經天。京鐘上重修勅令格式申明詔頒天下。是
 月詔造新曆。冬十二月丙戌再謁臨安府身下錢。是歲育
 宗室與忽子宮中
 已未慶元五年春正月蔡璉誣告趙汝愚定策時有異謀乃議
 送大理侂胄欲問彭龜年以實其事中書舍人范仲藝謁侂胄
 語之曰章確之叔不為不盛然至今得罪於清議者以同文之
 獄故耳相公胡為蹈之侂胄曰某初無此心京鐘劉德秀實主
 其議既而臺諫官連疏有請詔以累經赦宥於是彭龜年追三
 官勒停魯三聘追一官而連補進義副尉。乙卯果州學官王

莘罷

辛酉初命漕臣無出身者勿差官考試

壬戌建玉堂

二月乙丑胡紘罷

庚午雪

癸酉白氣亘天

乙酉諫議張

奎劾劉先祖佐逆不成蓄憤懷姦欺世罔上五罪詔先祖落職

房州居住先是先祖撰涪城學記有世方以道為偽而以學為棄

物夫好惡出於一時是非定于萬世學者蓋謹所先入以待豪

傑之與此語聞於朝乃有是命三月罷監司臧否郡守之制

戊申四川行對補錢引法夏四月用察院程松言詔大理

評事已改官未歷縣人並令親民一次著為令五月壬辰朔

新曆成戊戌親試舉人贈魯從龍等四百十有二人及第

丁酉以久雨民多疾疫命臨安府縣恤之壬子命諸州學置

武士齋舍六月丁逢罷是夏盜竊太廟金寶秋七月癸

丑劉德秀罷甲寅禁高麗日本商旅博易銅錢八月癸亥

白氣亘天辛巳太廟太祖夾室柱生芝上過壽康宮上太

上皇帝壽戊子立沿邊諸州武舉取士法冬十月丙子金

使來賀瑞慶節陳自強上改日三十事十一月己丑詔復

右司一員 十二月庚午建安仁宅惠濟倉庫于廣東水土惡弱諸州以給士大夫之罪而不能歸者 是各編慶元寬恤詔令 賑諸州水灾

庚申慶元六年春正月己亥皇子坦生 二月詔諸路雜犯死罪以下因釋杖以下以皇子生故也 己丑兩上 戊寅上太上皇帝玉牒 乙酉雪 閏二月庚寅京鐘為左丞相謝深甫為右丞相何澹知樞密院事兼參知政事 乙巳留正致仕 辛亥吳曦以殿前都指揮使為昭信軍節度使 詔許用前宰執舉狀為職司以待執政之子弟焉 三月甲子朱熹卒熹以去年四月致仕至是卒于建陽之考亭熹平居憐、無一念不在于國尚時政之失則寂然有不豫之色語及國勢之未振則感慨以至泣下然謹難進之禮則一官之拜必抗章而力辭居易退之節則一語不合必奉身而亟去其事君也不貶道以求售其愛民也不徇俗以苟安故其與世動輒齟齬自筮仕以至屬纊五十年間歷仕四朝仕于外者僅九考立於朝者四十日

道之難行也如此然紹興立人極為万世宗師則不以用舍而加損也自熹故其道愈久而愈彰其學愈久而愈盛亦可見此理之在人心未嘗泯也。辛未幸聚景園。夏四月辛亥奏院鄧文龍請毋用偽黨除察官。初置資善堂小孛教授。五月早詔求言壬申雨。丁丑詔三省樞密院看詳封事擇其可行者以聞。丁亥壽仁太上皇后崩謚曰慈懿。壬辰趙善義吳旸使金為告哀使。戊申同知許及之以母喪去位。秋七月丁卯陳自強簽書樞密院事自強入都欲求諸州孛官闕不遂居逆旅其主人為托胄拂茶自強因曰我嘗杖儀同先生主人曰官人求闕不遂蓋見儀同乎自強曰吾貧旅費垂盡聞見儀同所費不少安能辦之主人曰俟語次試為拈出旬餘無耗一日自強方悶坐有直省官持呼召來者約來日午後至府相見自強莫知所謂及往則侍從官以次畢集謁入傳令先召知丞侂胄命設坐於堂上鄉之再拜次召從官同坐從官踞踏莫敢居上者侂胄徐曰陳先生老儒沉沒可念坐客唯、明日連

章薦其才遂除太李錄未踰年遷秘書郎入館補半歲除御史中丞入臺半月餘遂秉政。八月庚寅太上皇帝違豫乃赦天下丁亥太上皇帝崩孝宗之喪趙汝愚當國始令羣臣服白涼衫皂帶以治事逮終喪乃止論者以為是及光宗之喪礼部侍郎陳宗召復請百官以日易月禫除畢服紫衫皂帶以治事從之。乙未日中有黑子。丁酉左丞相京鏜薨贈謚文穆其子沆請避家諱改文忠諫者為未當改謚莊定鏜與劉德秀最為亮險侂胄未顯時二人与之深交及用事侂胄所為暴虐皆二人教之云。壬寅皇太子坦薨追封卯王謚曰冲温。九月己未雷。辛未合祭天地于明堂。赦天下。進士呂祖泰上書論韓侂胄其言略曰道與季自古皆恃以為國也丞相汝愚令之有大勲勞者也立遷季之禁逐汝愚之党是將空陛下之國而陛下不之悟即陳自強何人也徒以侂胄童孺之師而躡致禁從陛下舊季之臣若龜年等今安在哉蘇師旦平江之吏胥周筠韓氏之廝役人戶一知之今師旦以潜邸隨龍周筠以皇后

親屬俱至大官不知陛下在潜邸時果識所謂蘇師旦者乎叔房之親果有廝役之周筠者乎其自尊大而卑陵朝廷一至於此也願陛下亟誅侂胄及蘇師旦周筠而罷逐陳自強之徒故大臣在者獨周必大可用宜以代其任不然事將不測書出中外大駭侂胄怒會方行明堂礼故未及問後五日以祖泰上書狂妄坐决杖配欽州。冬十月以韓侂胄為太傅。癸巳在選侍郎費士寅請歷十五考以上無職私罪犯者聽免職司舉主一負從之。辛丑雨土。十一月癸丑朔宗室与願除福州观察使改名曦令資善堂授書。己未皇后韓氏崩。癸亥皇子增生。丙寅上上太上皇帝謚曰憲仁圣哲慈孝皇帝廟號光宗。東北地震。十二月癸未朔皇子增薨。乙酉日中有黑子至乙巳乃減。辛卯叔殯光宗于永崇陵。癸卯祔光宗于太廟。詔改明年為嘉太元年。乙巳蠲臨安紹興府民賦緣殯宮之役也。己酉吳曦為太尉。是冬括閩外營田租不是。是歲封樁庫錢百萬緡。賑諸州水旱。

監作監存左

幸酉嘉泰元年春正月戊午申嚴福建科監之禁。壬戌右丞相謝深甫等薦士三十有五人詔籍記中書以待選擇。丁卯禁路鈐按閱受餽。戊辰雪。庚午以葛郊配饗光宗廟庭。二月壬辰開資善堂。癸巳監察御史林采言偽習之成造端自必大宜加絀削以周必大降官為少保依舊職致仕自朱熹獲罪黨禁益詳稍稱善類亦逐無遺至薦舉考校皆為厲禁姦貪狼籍暴慢恣肆之徒紛紜並起填害要塗士知修飭守廉隅者例取姍侮或及於禍一時從遊特立不顧者屏伏丘壑依阿與懦者更名他師過門不入甚至變易衣冠狎遊市肆以自別其非常。詔修光宗實錄。乙未續修吏部七司法。己亥四川初試教官。辛丑而土。三月丙寅雨雹。戊寅臨安大火以姜特立為寧遠軍節度使。夏四月辛巳下詔自責。辛卯龍州蕃部寇邊。詔戒風俗。戊戌以潛邸為開元宮。五月旱求言。監太平惠民局夏允中者嘗建言當令侂胄平章軍國重事如文彥博侂胄聞之乃上疏乞致仕。丙子雨。丁丑雨。

文作之

電。六月丙午太白經天。乙卯何澹罷。甲子陳自強奏知政事兼同知樞密院事張釜簽書樞密院事八月釜罷。乙丑賜葬顏正出身。己巳以吳曦為興州都統制兼知興州先是吳氏世職西陲列各皆留其子孫於中朝侂胄欲握兵權乃遣熾入蜀。八月言者以官冗恩濫請因娶宗女授官者仍舊法終身止任一子兩府使相不得以郊恩奏門客文學歸正官不許添差極邊初官不許求辟大使臣下憂解官過軍恩不得遷秩著為令從之。陳自強兼知樞密院事張岩參知政事程松知樞密院事先是松知錢塘縣侂胄有受姬小故而出松聞之亟召女僮以八百千市之既而供饋之禮甚謹數日侂胄意稍解召之則知為松取矣侂胄怒松聞之亟上謁曰預聞有邸守赴闕者欲得斯人懼遠方小吏不識事体他日有誤鈞顏我為王取之爾姬既入姬具言松所以謹待文札侂胄大喜即日躡除大府寺丞邊諫議大夫松尤無耻又市一妾獻之名松壽侂胄遣問之曰奈何舟大諫同名答曰欲使痲賤姓名常達鈞聽

已作乙

耳仇曹憐之遂除同知樞密院事。丙戌詔百官復議鐵錢利害。九月辛亥決浙西圍田。已卯雨土。甲戌纂集孝宗朝典禮。冬十月以光宗憂免瑞慶入貢。丙戌以韓侂胄定策事迹付史館。丙寅太白晝見。十一月始命刑部得薦舉外任人。十二月庚寅復免臨安府身丁錢。是歲諸路旱賑之。里賦國入貢獻剝象二。

續資治通鑑卷之十二

二月二十日校

續資治通鑑卷之十三

宋寧宗二

癸亥作癸壬戌嘉泰二年春正月癸亥亥籓師旦兼樞密院都承旨師旦本平江府書佐韓侂胄頃為本府兵馬鈐轄從府假筆吏吏以其冷局俾師旦行韓滿婦籓復還府下丘崇為守常以事怒師旦編管秀州久之韓知閣門事師旦因甚往依之韓憐而寘之門下未久上登極韓以師旦竄名籓即吏士內遂用隨龍恩得官韓以其辨慧愛之。高宗寶錄成。己巳雷。二月弛學禁初學禁之行也京鏜何澹劉德秀胡紘四人者實主其議為韓侂胄斥遂異已者羣小附之牢不可破慶元五年二月紘罷吏部侍郎七月德秀自吏部尚書出知婺州六年八月鏜以左相死于位去年七月澹罷知樞密院魁愴尽去侂胄亦厭前事欲稍示更改以消中外意時亦有劝其開黨禁以杜他日報復之禍者侂胄以為然甲申追復趙汝愚資政殿學士。戊子領治縣十二事以風房縣令。癸巳禁行私史。二月辛亥詔舉邊郡

常作皆

官作守

官。已未初命提刑以五月按部理因。詔薦舉除陞改自代十科外悉罷。夏四月庚寅雨雹。辛卯禁經營留闕者。復太季混補試。五月甲辰朔日有食之。己巳賜傳行簡四百九十有七人及第出身有差。六月己卯臨安府火。壬寅浚浙西運河。己亥禁冒法充軍。秋七月不雨。八月袁說友同知樞密院事。癸未建寧寶謨閣奉藏光宗御集。己丑詔作壽慈殿請太皇太后還內。甲午慶元條法事例成。九月己酉上朝壽慈宮。甲寅修皇帝會要。丙寅嗣秀王伯圭薨。庚午臨安府奏野蠶成繭。冬十月壬申以通判主管總所財賦。追復朱熹職名以煥章閣待制致仕。十一月庚子陳自強知樞密院事許久之參知政事。丁卯皇帝日曆成。庚午命賊吏毋便予祠。十二月甲戌日中有黑子。甲申立貴妃妃下者楊氏二為皇后。韓侂胄為太師

字

呂中曰外戚不得預政此祖宗家法也自建隆至紹熙列聖相承不敢失墜雖以曹佺之賢處帝舅之重神宗皇帝欲除

佺為中書令而呂中公力言其不可聖君賢相所以防微杜漸之意蓋可見矣惟政和六年鄭居中由顯肅皇后之親拜為太宰此已往之失不可效尤也侂胄何人黃緣戚里干預朝政且躡取帝師之任是祖宗三百年之家法至侂胄而尽壞之矣他日兩觀之誅其能免乎

賢作日

○庚辰大閱。閏十二月乙未詔講官開陳經義。宗室儼拜威武軍節度使封衛國公。復周必大少傅現文殿大學士。是冬皇子垵生未踰月薨追封華王謚曰冲穆。詔修孝宗光宗實錄。臺諫侍從紹興末年臺諫每月必一請對察官每月必一言事從官兩月必一求見否則謂之失職自侂胄扼塞言路從官既不言事而臺諫亦多牽掣月終必舉按小吏一二人謂之月課凡釐務官州屬曹掾簿尉監當皆在此列又有泛論君德時政皆以陳熟緩慢者言之或問之則愧謝曰聊以塞責聊以藉手而已聞者哂之。賑諸州水旱。癸亥嘉泰三年春正月丞相謝深甫罷。壬午置湖南溪洞總

首○戊子龍州蕃部寇邊○甲午參政張巖罷○丙申陳自強以樞密兼參知政事○丁酉雷○戊戌幸太學謁大成殿御化原堂命國子祭酒李寅仲講尚書幸武彞謁武城殿監李官進秩一等諸生推恩賜帛有差○袁說友參知政事是春謝深甫初免相許及之為參知政事既命陳自強以負外兼叔又命說友蓋三負也嘉定初命雷孝履委機委鑰亦三負遂為故事至九月說友罷政事○傅伯壽簽書樞密院事以老病除集英殿修撰知夔州○費士寅簽書樞密院事○二月乙巳冊皇后楊氏○乙丑再竄王德謙于新州○三月久雨詔大理三衙臨安府決繫囚○乙酉幸聚景園○夏四月己亥朔日有食之○壬寅福州言瑞麥生○李運言兩淮鐵錢交子利害詔戶部相度至是出封樁庫交子一百万命轉運司收民間鐵錢○乙卯陳自強等進徽宗孝宗玉牒光宗實錄○五月戊寅陳自強為右丞相以許及之知樞密院事兼參知政事○不兩詔釋杖以下囚○秋七月辛未出封樁錢造戰艦○壬午同安漢陽蕪春三監

無至字

乙卯作乙丑誤

錢作鐵

祀作配

陳作程

卿作郵

侍郎上有國子二字

命作用

罷鑄錢○白虹貫日○癸未禁折納逃囚○九月壬申立宗子希璫為考宗長子鄧王愔後○癸酉命鐵冶司毋得毀松錢為銅○冬十月庚子呂祖泰任便居住○丙午命兩淮諸州以仲冬教閱民戶萬弩手○丁未大風○戊申龍州蕃部降○十一月甲戌詔南郊加祀感生帝太子庶星宋星○赦天下○癸未大風○己丑更定選人改官法○庚寅復置福田居養院○十二月辛酉詔戒將帥培克○金國盜起沿邊聚糧增戍且禁襄陽府確塲懼宋朝棄其隙也宋朝聞其事乃以參政張巖帥淮東樞密陳松帥淮西以待即立崇守四明防海道以大卿辛棄疾帥浙東時武帥鄭挺在襄陽立求去以李奕為荆鄂副都統兼知襄陽松為父喪辭政命廣帥薛叔似而叔似不行遂命侍郎宇文紹節代之又徙辛棄疾以次對守京口起資政趙廣逾守四明出知院許及之守金陵及之不欲行乃命宗以直學士代典留鑰其開邊蒙蓋自此始○御筆嚴監司互送之○交割數○張孝仲以安撫司幹辦除成州後以諸司屬官係京官考理

通判任一次自此始

甲子嘉泰四年春正月乙亥大風。庚辰賊內侍甘昷。癸未日中有黑子。辛卯雷。壬辰雨雹。西浮洞遊軍為亂。盤量北邊積糧。辛棄疾入見言夷狄必亂必亡願^村之元老大臣當備兵為倉卒應變之辭。仇胄大喜。二月壬子蜀臨安府逋負酒錢。己未立試刑法避親法。庚辰夜有赤氣亘天。三月丁卯臨安府火災。壬申謔質賣軍器。辛巳立添差及^祠廟限負。夏四月命內外諸軍詳度純隊法。甲辰以制院許及之守金陵為出師計不行而罷。賑恤江西州縣水旱。乙巳費士寅兼知樞密院事張孝伯參知政事錢象祖賜出身同知樞密院事。丙辰詔選舉禁請囑受私書之弊。五月乙亥詔奉將材。追封岳飛為鄂王。六月丙申置諸軍帳前雄効。韓侂胄御生日賀儀仰進奏官偏行閣報議者謂大臣却四方之饋未有自奏即行下諸路蓋僭也。時士大夫或獻紅錦壁衣承塵地衣之屬修廣高下皆與中堂等蓋密量其度而為之又有

赤作黑

獻紅牙果卓真珠搭擋光耀奪目以媚侂胄其後或遇侂胄生日大臣以下皆排列所獻于天慶觀之庶下都人競往觀焉。己亥詔改明年元。壬子禁州縣挾私籍沒民產。甲辰再蜀臨安府身丁錢。六部架閣非闕官勿除。總所拘監司筭綱運。

乙丑開禧元年春正月癸丑初置激浦水軍。壬午雨雹。賜蘓洵謚曰文。二月丙午蜀臨安府酒稅錢。乙卯雪。竄翁點新州先是有旨召點赴行在御史徐棟劾點貪黷嗜進等事遂寢是命點聞之上章自辨察官為內臺刑獄之官為外臺察官論事不得其實外臺安得泯沒而不與之直次論棟私託不行所以貽怒者數事其末云楊輔列起晦乃今之望人一旦報怨併論罷之中外失望侂胄怒遂有是責。三月庚申太白晝見。申嚴生子弃殺之禁仍令諸路文官常平官月給錢米收養之。韓侂胄欲用兵恢復中原乃出封樁庫金一萬兩以待賞功侂胄欲以費士寅鎮興元士寅固辭遂罷樞密是科策士有

鎮作府

論宜乘機以定中原者侂胄大喜用兵之意遂決四月武學生
華岳上書言朝廷未宜用兵恐啟邊釁忤侂胄流建寧府金人
伺知朝廷有用兵意五月遣其平章事僕散揆為宣撫使駐開
封遣使來責補盟以邊民侵掠及沿邊增戍為辭是月鎮江都
統戚拱遣忠義人朱裕結漣水軍弓手李全焚漣水寨其後侍
郎李壁乞斬朱裕梟首境上人皆寃之六月詔內外諸軍密為
行軍之計而以程松為四川制置使諫議大夫李大異以諫止
開邊同日補外是月命教閱禁軍八月命吳元都統司增招戰
兵詔侍從兩省臺諫在外待制學士以上及內外諸軍主帥各
奉將帥邊守一二人侂胄欲風厲諸將乃封贈劉光世為鄜王
宇文中少保岳飛為鄂王中興諸將至是畢王矣又命湖北安
撫司增招神勁軍又以殿前副都指揮使郭侃為鎮江都統守
揚州十月李壁使還言兵未可輕動不聽十一月置殿前司神
武軍五千人屯揚州十二月增刺馬軍司弩手中郎將房仲方
造戰車九弩未及用而罷去周虎繼之用戰車敗虜于清水鎮

意下有也字

時軍政修明人心大喜以為恢復之期可必惜朝臣議論不一
不能成功天意。夏四月戊子朔錢象祖參知政事兼同知樞
密院事劉德秀簽書樞密院事。辛卯皇甫斌兼知襄陽府。
辛丑日中有黑子。乙卯大風。五月己巳試舉人毛自知四
百三十有二人。後淳熙薦舉改官法。乙亥詔以曠為皇子
進封榮王。六月罷廣宗稅場。辛丑淮東安撫郭挺罷。壬
寅天鳴有聲。復同安漢陽蕪春三監。乙丑陳自強上吏部
七司法。秋七月庚申韓侂胄平章軍國事兼國用使詔立班
丞相上三日一朝先自六月陳自強鄧友龍等請用本朝故事
以侂胄平章軍國事乃有是命

黨奸作奸黨

呂中曰國朝故事如仁宗朝呂夷簡拜司空平章軍國重事
哲宗初文彥博以太師拜平章軍國重事此二人者皆累朝
元老德碩望隆故處以是職也侂胄何人而儉朋黨奸乃以
為比易曰負且乘致寇至其是之謂乎
蘇師旦除安遠軍節度使在京宮觀領閣門事。贈趙汝愚少保

○是月不雨。置資善堂直講說書各一員。八月癸巳雨。欽宗玉牒成。九月丁亥簽書劉德秀罷。庚午詔贓吏追還所受贓。庚戌大風。冬十月甲子汀州守臣陳鏄更圖瑞麥以獻。詔奪一官。復置柳州馬監。十一月申嚴告許之禁。十二月修孝宗光宗御集。詔兩浙路身丁錢絹自開禧二年以後其永除之。戊寅金主遣禮部尚書趙之傑來賀明年正旦之傑入見容止倨緩持國書逡巡下立若將要上為起者閣門奪其書以進儀贊者唱云躬身立之傑端立不動金主父顯宗名允恭同音字合與避而不避者之傑益不平侂胄請駕還內繼有旨更以正旦相見。真里賦國來貢。賑諸州水。丙寅開禧二年春正月雪。乙未增太學內舍員為百二十人。○辛丑置國用司參討官。乙巳薛叔似宣諭京湖。己酉雷雨雹。○辛亥禁毀錢為銅。○是月雅州蠻高吟師寇邊三月進犯砮門寨四月賊焚砮門寨官軍失利義勇軍往備將刁謙戰死提刑劉崇之檄宣撫司調兵自行討之宣撫司調潼川隆慶

下作却

兩作西

府大軍各五百合前後官軍九七千人以準備差遣王好謙與元統領王鉞統之委崇之往軍前節制王師至高吟師出降擒其首六十三人誅之。二月癸丑夜壽慈宮火。久雨。○己卯復御正殿。○三月癸巳程松宣撫四川吳曦副之仍有節制財賦旨揮且許按劾兩軍出入曦得自專先是四川計司曰厲宣撫司節制鄭剛中在蜀秦檜惡其專始命趙德夫以少卿為之自是三司抗衡至是轉宣撫司節制劉崇之新除總領即上章抗論辭職不允。○甲午以鄧友龍為兩淮宣諭使。○詔監司行部理囚。己亥幸聚景園徙太皇太后遊幸。○錢象祖責其懷姦避事乃罷參政尋竄信州。○張巖兼知樞密院事。○己酉知處州徐邦憲入見請因立太子肆赦弭兵侍御史徐枏劾罷之。○呂中曰臺諫天子耳目為朝廷爭是非卜邪正者也祖宗盛時先正名臣有識大體者有風采動朝端者有稱鐵面御史者其所彈劾往往合於衆論之公曷嘗現望朝廷之風肯哉自王安石用事諸君子以不合去位而職糾繩者率用鄧綰

李定之流小人希合始有不當劾而劾者矣且以開禧之際
現之皇嗣雖立而儲位未正叔倖輕舉而邊釁將開是二事
者真當世之切務也徐枋職處風憲方且緘默不言迨及直
臣有言又從而劾罷之是果何心哉邈其本情不過迎合權
倖而已咄哉鄙夫真有負祖宗設官之美意乎

治廷當作紹
監作藍

○夏四月甲子以薛叔似為湖北京西宣撫使兩淮宣諭使鄧
友龍改除宣撫使○下納粟補官令○戊辰修詔與以後監法
○庚午追奪秦檜王爵○四川宣撫副使吳曦兼陝西河東路
招撫使鎮江都統郭倪兼山東京東路招撫使鎮江都統趙淳
兼京西北路招撫使江陵副都統皇甫斌兼西北路招撫副使
呂中曰小人擅朝欲為專寵固位之計往、至於用兵王呂
變法生事於燕河王珪懷姦喪師於靈武繼是則章蔡造孽
於遼郡王黼稔禍於燕雲誤國輸民前後一律今侂冑在朝
窮奸極惡海內切齒而復不度事勢妄啟兵端三邊瘡痍生
靈魚肉雖擢髮不足數其罪矣

字仍字

陳孝慶復泗州又復虹縣許進復新息縣孫武復襄信縣四川
總領所奏辟以進義副尉楊巨源監興州合監倉五月陳孝慶
復虹縣侂冑聞已得泗州乃議降詔仍調泉州兵赴山東路會
合丙戌上內批云北虜世仇久稽報復爰遵先志決策討除宜
頒詔書明示海內翌日乃北伐之詔：畧曰天道好還中國
有必伸之理人心效順匹夫無不報之仇蠢茲醜虜猶託要盟
賤生靈之資奉溪壑之欲迨其不恭姑致含忍軍入塞而公肆
創殘使來庭而敢為禁鷲泊行李之繼遣復慢詞之見加舍垢
納汙在人情而已極罪致討屬胡運之將傾兵出有名師直
為壯言乎遠言乎近孰無忠義之心為人子為人臣當念祖宗
之憤○上以北伐告于天地祖宗社稷○四川宣撫程松至漢
中○江州都統王大節攻夔州不克江陵都統皇甫斌引兵攻
唐州不克興元都統秦世輔至城固縣而軍大亂○池州副都
統郭倬馬軍行司李汝翼攻宿州不克建康都統李夷攻壽州
敗績後王大節竄袁州郭倬李汝翼皇甫斌李燕等各奪官

祖宗作宗廟

呂中曰恢復大計當以人才為先真宗之禦契丹必有李繼隆石保吉然後成澶淵克敵之勲仁宗之制夏羗也必有韓琦范仲淹然後收曩宵納款之績高宗之抗女真者必有張韓劉岳然後剋兀朮今則總戎三邊者誰欵吳曦特膏腴之子弟郭倪郭倬李興李汝翼皇甫斌諸人又皆鬼瑣之庸才平居暇日不過剋剝士卒苞苴饋賂圖為進身之梯媒甚者且外交仇虜以伺中國之動靜矣朝廷頌以推轂制閩之事悉以委之師緣出境而前者敗後者潰大者殲小者奔罪甚者誅戮輕者投竄而統蜀漢之逆曦又以叛聞用兵以來虜之損失一二而吾國之喪失敗亡已不可勝計矣假使鄧禹聞之寧不笑人于地下乎

六月金人封吳曦為蜀王先是四月曦獻關外四川之地來封於金十二月曦焚河池縣退屯清野源癸丑曦自殺金平退歸吳曦稱蜀王先一日夜吳州天赤如血照地如晝自月初有兩

日相摩于初晴之時至是復有此異○壬寅太白晝見○簡荆襄兩淮田卒以備戰兵○戊申安丙置司于河池時為陝西河東招撫司隨軍轉運使○甲辰鄧友龍罷兩淮宣撫使以丘密代之駐揚州兵凡十六萬一千四百餘人○畢再遇取山東京東招撫公事

時諸將用兵皆敗唯畢再遇數有功金人常以水櫃敗我再遇夜縛藁人數千衣以甲冑持旗幟戈矛儼列成行昧爽鳴鼓金人驚視亟放水櫃後知其非兵也甚沮乃出兵攻之金人大敗又嘗引金人與戰且前且却至于數回視日已晚乃以香料煮黑豆布地上復前搏金人佯為敗走金人乘勝追逐其馬已飢聞豆香皆就食鞭之不前我師反攻之金人馬死者不可勝計又嘗與金人对壘度金兵至者日衆難與爭鋒一夕拔營去慮金人來追乃留旗幟于營并縛生羊置其前二足於鼓上擊鼓有聲金人不覺為空營復相持數日及覺欲追則已遠矣

無深字
奪作厚

金作全

士作王

田琳復壽春府。戊辰雅州蠻復寇邊先是官軍既殺高吟帥
官軍欲深入夷界會有為石棚所壓者乃遣士丁先往攻之提
刑督捕司僉聽任處奪時在研門寨以狀白提刑督捕司欲焚
其巢提刑除總領遂還夷人掩官軍不備殺傷甚衆與元將張
全忠戰死陳克輔一軍盡沒即自刃而死五好謙子王金共議
再與之和壬午夷酋高奴鬼等出降。韓侂胄以喪師為蘇師
且所誤乃奏劾師且除名安置仍籍其家。秋七月梁洋義士統制
毋思襲取和尚原九月復陷叔都統制范仲士出師室雞小捷
未幾揚輔遺書韓侂胄言蜀兵驕糧乏暫休息以規後圖遂班
師。張巖知樞密院事李壁參知政事。誅郭倬于靜江府。
置御前強勇軍以淮東安撫司所招者為之。九月戊子雷。
辛卯合祭天地于明堂赦天下。乙巳賞復泗州功。冬十月
詔內外軍帥各舉智勇可為將帥者二人。辛酉以將帥暴露
羅瑞慶節宴。丙午金人自清河口渡淮守將郭超失利遂圍
楚州。十一月庚辰以主管殿前司公事郭果領兵駐真州以

果作果

護上有州以字

護西淮辛巳金人犯東陽軍有北來韓元靚者至真州言金人
有和意丘宗遣人護送北還丙申元靚人還得金人行省文字
宗以聞于朝。甲申命丘宗督視江淮軍馬金人犯神馬坡江
陵副都統魏友諒突圍趨襄陽忠勇軍呂靖孫欲圍友諒友諒
格殺之。戊子金人犯廬州副都統制田琳引戰拒却之真州
援兵至後八日而圍解田琳襲之金人大敗而還。乙未以湖廣
提領陳謙為湖北京西宣撫副使。韓侂胄獻家財二十萬以
贍軍優詔褒納。金人遊騎渡漢丁酉金人犯岷州踏白軍
統制王喜引兵遁戊戌金人圍和州守將周虎引戰却之虜乃
引兵陷信陽軍辛丑圍襄陽府先是虜將至趙淳焚樊城而憂
惇成疾賴諸將協力守禦城得以完時蜀漢路斷金人圍龜郊
不下移屯天水縣子寅陷隨州守臣遁州人迎拜金人飲兵不
殺遂得安。癸卯太皇太后賜犒軍錢一百萬緡詔諸路招
填禁軍以待調遣。甲辰金人犯真州士民奔逃濠江者十餘
萬鎮江守臣宇又紹節函具舟以濟之廩食之於是濠梁安豐

及並邊諸戎皆沒矣。○乙巳陷西和州後八日聞王師至而遁。○十二月戊申金人圍德安府守將李師尹拒之再攻襄陽東南西門為國兵所敗。○庚戌陷成州守臣辛撫之遁王師攻城不下明年二月始解圍去。○甲寅金人攻六合縣郭倪遣前軍統制郭俱救之過于滑浦橋官軍大敗倪棄揚州走瓜州渡。○督府復遺書金虜帳言和好先是元覲人還金營以文字來言和至是募得盱眙小吏王文持書往金營大略謂用兵乃蘇師旦鄧友龍皇甫斌等所為非朝廷本意文等還金人答書悖慢多所要索且謂仇曹無意於用兵則師旦豈敢專擅督府又遣書許以刷還淮北流移人及今年歲幣金人有許意朝廷乃以報書遺陳壁持第三書以往會六合交兵第五書犯金人廟諱金人以用兵語來使却其書而還。○丁巳金人陷大散關都統制毋思道以總管孫忠銳權都統制。○癸亥魏友諒潰軍于花泉友諒走江陵。○丁卯金人犯七方關興州中軍正將李好義拒却之。○畢再遇持重兵江上邀擊金人累克捷會朝廷調兵

無却字

畢集江上金人乃自淮南退師惟留一統制守濠州。○郭倪喪師責授果安團練使送南康軍安置。○庚午薛叔似陳謙罷以吾獮為湖北京西宣撫使仍知江陵軍。○復兩浙圍田募兩淮流民耕種。○四川宣撫程松自米倉山出閬州順流以歸時吳曦已有逆謀矣。

曹字疑黃本
作謂心疑誤

丁卯開禧三年春正月立宗罷以張巖督視江淮軍馬先是立宗乞朝廷繕畫金營曹好而謂金人指仇曹為元謀乞免繫衙仇曹怒故罷密皇甫恭自汴京使回恭奏行省完顏弼右副元帥統石烈子寧皆有和意且移書都堂。○陷階州。○丁亥皇子圻生。○庚寅遣淮民歸業。○甲午吳曦僭位于興州下黃榜于四路召安丙為丞相權行都省事丙稱疾不出叔大安軍揚震仲以不受偽命飲藥而死利州路轉運判官不受偽命削髮于利州之石鐵四川總領劉崇之不受偽命曦怒命徐景望為四川都轉運入利州逐崇之崇之遂趨成都成都府安撫使楊輔下令稱提錢引大書開禧之號會密之至乃議舉兵誅曦董鎮

鐵作鐵

壬戌作戊辰

各作予
其作詞

以偽命至成都復為潼川知府費士寅所殺。庚子 輅奔襄陽。癸卯嚴進引兵入成都。甲辰陳孝慶奪三官。二月戊申雪。甲寅竄商榮。己未吳曦反書聞。以楊輔為四川制置使。葉適兼江淮制置使。不兩。庚申罷諸路添差冗員。○壬戌皇子撫生。庚午金人去襄陽。壬申上以金人退始御正殿復膳。安丙誅吳曦四川平先是正月興州中軍正將李好義與其徒謀舉義二月監興州合江倉楊巨源至興州與丙謀丙喜明日始出視事興州進士楊君玉引楊巨源以見李好義皆謁安丙遂定議君玉與白子申共草密詔其畧曰惟予戈省厥躬既味聖賢之戒維犬馬識其主爾乃甘夷虜之臣邦有常刑罪在不赦二十九乙亥未明誅曦于偽宮軍士李貴斬曦首楊君玉宣密詔安丙叔宣撫使巨源為參贊軍事先是朝廷賜安丙帛書諭以能殺曦報國不次。推賞雖二府之崇亦所不吝於是曦以誅而朝廷未知也。○三月丁丑誅受偽命人徐景望。○丁亥趙彥呐誅曦將祿禧于夔州庚子誅吳曦露布至

在朝廷大喜曲赦四川以楊輔安撫制置使兼知成都府許奕四川宣諭使安丙知興州兼四川宣撫副使丙淳熙末為文州判官有薦於吳挺者入利西帥幕丙有才略挺愛之及曦為殿帥丙道判隆慶府遷知大安軍北軍與首辟隨軍轉運旋以救荒有緒遷朝奉大夫曦僭位丙為丞相與楊李合謀誅曦於不疑之地其謀深矣。○四月曦函首至行在詔赴都堂審驗獻于廟社梟其首三日五月賞誅吳曦功共轉三十萬官金銀錢絹各以億萬計改興州為沔州贈楊震官嘉其死節竄程松竄受偽命人張紳之。韓侂胄與吳曦書云傳聞不一深以為疑或以權宜割地姑為保全蜀之計此亦排難解紛之舉萬一虛傳果或有之更望深入鈞慮虜情難測前事可鑒若恩自上出增光前烈子孫之傳可為蜀山同其永久豈不美歟倘蒙開諾當即奏聞繼頒茅之封顯俟罷報書至而曦已誅矣。李好義復西种州張翼復鳳州劉信復黃牛堡五月復大散關尋陷。召楊輔以吳獵為四川制置使五月召吳獵楊輔依舊四川制置

使。錢象祖參知政事。不雨。詔兩淮湖北京西被兵諸州降雜犯罪囚及免今年租賦。方信孺以奉使金國通謝國信參議往金國議和。宇文紹節權京湖宣撫使。五月李好義為沔州副都統制分沔州都統十軍隸兩都統司。安丙殺楊巨源先是巨源擅殺孫忠銳于鳳州既而與金人戰遂有長橋之敗安丙遣將官樊世顯殺于大安之舟中。赦天下。太皇太后崩。辛丑李好義襲秦州敗而還後遇毒死。六月甲寅賞襄陽功。癸亥林拱辰使虜。秋七月下罪己詔曰朕德不類致天之災比者郡邑間被大水加以飛蝗為孽二三大臣其助朕思正厥事內無誕謾私諛之風外無貪墨暴刻之政其有災傷當行賑恤。九月丁丑詔以和議未可就令諸大帥申儆邊備。侂胄有用兵意乃召辛棄疾赴行在會棄疾病死乃已。辛巳召張巖。壬午敗方信孺。甲申減極邊官吏舉員。丁亥葉適罷江淮制置使以趙淳代之。辛丑王柎使虜。冬十月乙巳蠲臨安府紹興賦。丙辰以邊事諭軍民。十一

月夏震殛死韓侂胄于玉津園先是侂胄欲用兵金人憚之有縛死首議用兵賊臣之請時朝廷幸安皆以用兵為非彌遠建議誅侂胄其事甚秘謂已得密指以告參政錢象祖李璧錢象祖欲奏審彌遠止之乃命中軍統制夏震選兵三百防護侂胄別選兵二百守其府門前數日侂胄在都堂忽謂參政李璧曰聞永嘉人欲變此局面還知否璧徐荅曰那有此至二月甲戌侂胄與其愛姬號滿頭花者方飲酒周筠自外至曰事欲不善侂胄笑曰誰敢爾筠再言不應懼而去乙酉侂胄入朝至太廟前震呵止之其從者皆散步軍準備將夏挺以帳下卒三十四人擁侂胄軍以出中軍正將鄭發王斌引所部兵三百護送侂胄至玉津園側殛殺之天為陰晦是日新除右諫議林森可方請對宰執至漏舍自強語同列曰大坡今日上殿俄侂胄前驅至錢參政彷徨不知所為既而震報侂胄已押出給事陸峻萬尹趙善堅相顧失色錢參政探懷中堂帖授自強曰有旨丞相罷政自強即上馬顧曰望二參政保全尋竄陳自強於雷州仍

籍其家卒於廣州。侂胄死後，臺諫文章遂除名，勒停吉陽軍安。置仍籍沒家財，臨安府方以侂胄身故聞，則侂胄死已五日矣。而上亦未之知也。侂胄用事十四年，威行宮省，權震天下，遂善類引奸邪，不能無過惡，而用兵寔出於無謀，卒以不立皇后，后衛之謀誅侂胄，其黨蘓師旦、明正、典刑、周筠配嶺外。詔以奸臣竄極當首開言路，以來忠讜。參知政事錢象祖兼知樞密院事，李壁兼同知樞密院事。史彌遠除禮部尚書。十二月，同知樞密院事鄧友龍除名，勒停竄循州。以丘寔知建康府。乙酉，置御前忠銳軍。丙戌，衛涇簽書樞密院事兼參知政事。丁亥，詔立皇太子。李壁罷。戊子，竄郭倬、郭僕治、喪師之罪也。癸巳，貶張岩。己亥，以立皇太子赦天下。十二乙巳，丘寔為江淮制置大使。許奕使金。乙巳，太白晝見。庚戌，貶許及之、薛叔似。竄皇甫斌。癸丑，金人陷隨州。辛酉，錢象祖為右丞相兼樞密使。衛涇雷孝友並參知政事。林大中簽書樞密院事。甲子，皇后兄楊次山除使相。

徑作涇

○丙寅，贈呂祖儉朝奉郎直祕閣官其子一人。○丁卯，詔改明元年。○四川宣撫使科對糴米是歲，以建康鎮江三務場徑隸提領。○四川初行小會子。

續資治通鑑卷之十四

寧宗三

戊辰嘉定元年春正月諫臺葉時等言侂冑專政無君作上不道乞褒其首願置之淮甸積屍叢冢之間以謝天下上未欲輕從先是金求韓侂冑函首至是詔三省樞密院詳議仍詔韓侂冑冑冒定策功命史官改正。詔直言。壬辰史彌遠知樞密院

直作求

無韓字

事。許奕使金為通謝使。戊申追復趙汝愚觀文殿大學士謚曰忠定。壬子賑流民。甲寅雪。戊午再竄程松。甲子罷劉德秀遺表贈官。郴州黑風洞寇為亂。三月詔曰奸倖弄權故相同惡上下交利賄賂通行監司郡守並相倣倣貪婪無厭狼籍已甚繼自今各務精白一心其有緣公濟私尚為故態必罰無赦。復秦檜王爵贈謚以復議諍和故也。辛卯詔梟韓侂冑首于兩淮先是王柎自軍前還行在議以韓侂冑函首事易淮陝侵地諸司百官詳議。者皆言和議重事待此而決姦凶已斃之首又何足惜是日詔臨安府令副將尹明剖棺

剖作斬

制下有單字取首送江淮制司仍諭諸路安撫制司以函首事

議曰庶人之讎釋記札者猶可盡五世矧有天下者乎齊襄復九世之讎春秋大之我宋之於金不共戴天之仇也侂胄無謀浪戰固可罪矣然乃至於函首乞和何也當時太學諸生之詩曰晁錯既誅終叛漢於期已入竟亡燕此但利害言耳蓋未嘗以名義言也譬如人家子孫其祖父為人所殺其田宅為人所吞有一狂僕佐之復讎謀誅計淺遠不能遂乃歸罪此僕還之讎人使之甘心焉可乎哉

此作于使下單字

丁酉謝奕使金為通謝使。汰鎮淮軍。是春皇子均生。利州兵老小喧鬧。夏四月詔科別羣臣奏疏可行者取聞。上以彭龜年當時臣用事之始首能折其奸萌可贈龍圖閣直學士謚忠肅又以呂祖太上書忤侂胄配欽州與改正罪名特授迪功郎。壬申雨雹。旱詔決繫囚。甲申詔皇子侍立朝殿。丁酉詔求言。五月親試舉人賜鄭自成等四百二十有六人及第。甲子太白經天。蝗。六月庚午金人歸大散關。

字上有太字

字下無有字

僑作喬

辛未歸濠州。乙亥衛溼罷。甲申簽書林大中薨于位。丙戌詔舉邊守。秋七月癸丑丘崇同知樞密院事。甲寅許奕使回。八月辛未同知丘崇薨。侍從臺諫兩省詳議會于折閱利害。辛巳婁机同知樞密院事樓簽書樞密院事。丙戌詔考訂監司守令所條民間利害擇其可行者以聞。甲午賑江淮流民。九月金國諭成使完顏侃僑字入見詔以和議成諭天下

能作寧

呂中曰和戎國家之不得已也然必有折其氣而後可以要其成真宗鑿與親征捷覽授首我是以有紹興之和今也嘉定之和虜有求於我欵我有求于虜欵彼欲得權倖之首則與之彼欲增歲幣之數則與之屈已而和皆由于我犬羊巧詐能無易我之心乎未及數暮渝盟犯順三邊瘡痍生靈魚肉然則和議詎可恃耶是必有以任其責者矣
乙丑大風。背寇軍謀為變有告變者乃捕為首八人誅之。
冬十月錢象祖為左丞相史彌遠右丞相雷孝友知樞密院事

兼參知政事委机叅知政事樓鑰同知樞密院事。己卯褒錄
慶元上書楊宏等六人。趙崇憲奏乞辨雪父汝愚諱誣等事
有旨蔡璉遂除名加配。十一月四川收兌九十界錢引。庚
子四川初行當五錢。戊午史彌遠丁母喪皇太子請賜彌遠
第于行在令就第持服許之。乙丑李大用謀為變不克。丙
寅錢象祖罷。貶李沐再奪三官。己卯黎州蠻蓄卜寇邊。
金主璟死允濟立。

張作章

己巳嘉定二年春正月詔內外條陳節用事。丁巳樓鑰叅知
政事張良能同知樞密院事宇文紹節簽書樞密院事。庚申
詔舉監司郡守。二月庚午黎州蠻蓄卜寇邊。壬午詔稱提
猪幣之策。丁亥罷法科試經義。戊子大風。熒惑入太微
垣。三月丙申雨雹。庚申恤流民。夏四月蝗。戊辰汰淮
襄忠義民兵歸農。辛未詔條明堂冗費。都城疫。戊子賜
楊震仲謚曰節愍。五月史彌遠起復右丞相。早詔決繫囚
。侂冑黨人羅日愿謀為變磔于市。侍從兩省臺諫各舉有

政績才望者二人以補郎官之闕。蝗。癸丑詔以戶口為殿
最。甲寅拘回田會。旱。秋八月甲子行鐵錢於沿江八州
。乙丑安丙為四川制置大使罷宣撫司為制置司。甲戌冊
皇太子。己卯黎州蠻寇邊。丙戌賑兩淮飢民。九月辛丑
合祭天地于明堂赦天下。丙午贈太學內舍生十員。冬十
月丁亥補京湖廂禁軍。十一月張林等謀作亂不克。甲午
修浙西水利。乙未雪以歲飢罷宴。柳州黑風峒寇李元砺
作亂。十二月賜李顯忠謚曰忠襄。賜朱熹謚曰文忠改曰文
慶元以來權倖擅朝偽以排天下之正學黨以空天下之名
流人心憤鬱久矣今叔倖誅強天日開明海內翹首以現惟
新之化而聖意首舉節惠之典於文公一時學者知所趨向
矣豈非吾道之幸哉

租作米
。乙亥詔諸州毋糴職田租。是歲諸路旱蝗。楊楚衡柳吉
州南安軍盜起。閩外諸將私役諸軍
。詔戒監司守令。丙午
庚午嘉定三年春正月詔招諭群盜。詔戒監司守令。丙午

兩土。○癸丑雷。○二月黎州蠻復寇邊。至冬青羗奴兒結之子
戈失索降。○丁卯配籍賦吏。○壬午命王居安督捕洞寇。○三
月丁酉錫通負。○捕殺楚州賊首胡海。○久雨。○夏四月李元礪
犯南雄州。十一月迫贛州南安軍。十二月就擒。○丙寅詔恤殘破
州縣。○戊辰賑行在軍民。○五月詔去年旱蝗百官應詔封事
兩省擇可行者以聞。○乙巳命督捕海寇。○戊申經理兩淮屯
田。○唐成以江陵忠勇軍隸御前。○久雨命賑貧民。○朱熹贈
中大夫寶謨閣直學士。○贈處士蔡元定。○功郎制曰士之遇
命作天贈作神不遇命也。其或擯斥于生前而獲贈於死後。天理昭々。未有久
而不定者。爾學問有源。操履無玷。杜門著書。初無預於世者。不
幸見誣。亦遭遠謫。今是非已定。爾則殂矣。其贈以官。慰爾泉下
死。雖莫贖。尚知享哉。○六月丁巳朔日有食之。○己卯詔核實
軍籍。○秋七月辛卯禁增廣園田。○癸卯定南班宗室負。○八
月乙亥大風拔木。○是月臨安府蝗。○詔三衛江上諸軍陞差
將校必以材藝。年勞。冬。○十月乙丑詔四川總領所毋受宣撫

禁上有詔字

司節制。○壬申雷。○十一月癸巳賞楚州平賊功。○乙巳議收
浮鹽。○十二月丙辰詔安集浮民。○戊午萎机罷。○京尹趙師
異罷時有武學生犯事。師異捷之逐出国門。諸生訴之。遂罷
辛未嘉定四年春正月。叙州蠻攻陷利店寨。○詔安集破殘諸
州。○二月乙卯誅李元礪。以羅世傳擒元礪功。授武翼郎。乞換
文資。卽乃授通直郎。○丙子雷。○辛巳罷廣西諸州牛稅。○閏二
月丁未大風。○三月都城疫。○劉世雄為沔州將。謀據仙人原為
亂。事覺伏誅。○叙州蠻犯籠鳩堡。○夏人叛金。夏人始為鞭鞞
所攻。遣使求救於金人。金主允濟新立。不能救。鞭鞞至。與靈而
反。夏人恨之。遂叛。○鞭鞞因入貢金。金主允濟欲襲之。金之
亂軍有詣鞭鞞告其事者。鞭鞞疑未信。言者再至。鞭鞞遣人伺
之。得其食。遂遷延不進。○夏四月。福建兩浙州縣禁折鹽酒。○
浙福建。○四川閬外旱。○禁諸軍虛數冒請。○四川置安邊司。以經制蠻
事。俾李璽季允與許奕子然共領之。○五月戊辰親試舉人。趙
亮下疑脫字。達大四百六十有五人。眉人史公亮。○天應授李僑故事請掛

福建兩浙作兩

亮下疑脫字

不當作國圖
國圖疑當在
上五人下
韃下字國字
制作京

又下有六字

乙作己

米作來

冠詔循從事即致仕。劉燿輪對乞開偽學禁。秋七月壬戌太白晝見。鞞鞞國攻兵金人命江淮荆湖四川謹邊備。鞞鞞國兵與金人戰於灰河凡三日勝負未決成吉思皇帝選精騎三千馳擊之金人大敗金帥執中以百騎奔還鞞鞞國兵至翠屏口金人又大敗九月攻奉聖州後二日破之進軍野狐嶺金人又敗十月鞞鞞兵至晉安縣距燕京百八十里。八月辛丑雷。九月辛酉雷。叙州蠻寇遮。乙亥羅世傳為其党所殺。冬十月乙卯朔更定玉牒凡例。十一月己酉朔日有食之。癸丑賞平峒寇功。十二月躡訪會子價。是月竄張鐵。壬申嘉定五年春正月詔諸路通行兩浙倍殺法。壬申李好義以誅吳曦功賜謚忠壯。鞞鞞國兵至居庸關金將完顏福奔閔適金主允濟以細軍五千自衛欲奔南京會細軍自相激乃誓死迎敵鞞鞞兵損折頗多遂歛兵。二月壬午詔罷軍兵以米借補官。三月庚戌叙州蠻首米在降。久兩詔決繫囚。丙子申彘捕盜改官。五月庚午詔諸路坑冶州以通判縣以

令丞主之 癸酉南安國王李龍翰卒子吳昆嗣之 詔州縣

見役人毋納免役錢 六月己酉禁銅錢過江 秋七月庚申

賞降叙州蠻功 戊辰雷雨毀太廟屋詔避殿減膳 九月丙

午太白晝見 己酉續編中興禮書成 庚戌遵義寨夷楊煥

來獻馬 辛未罷沿海諸州海船錢 是月四川復推石脚并

蓋 冬十月詔諸路總領官歲舉將帥二人安撫提刑舉將材

二人 詔侍從臺諫兩省集議釐正光宗配享功臣 戊戌雷

十一月壬戌日南至祀天地于園立大赦天下 十二月蜀

濠州稅一年 壬午詔諸路轉運司叅攷州縣新旧稅籍蠲其

橫積之數 收兌第五界田會

癸酉嘉定六年春正月宇文紹節薨 詔侍從臺諫兩省官帥

守監司各舉人才一二人 二月丁丑太白晝見 丙戌上吏

部條法總類 丁亥雪 乙未詔宗室毋與晉吏通姻 十一

月參政樓鑰罷 夏四月丙子章良能參知政事 甲午復法

科試經義 五月不雨詔釋繫囚 丁卯措置四川支移錢物

無其字

戊辰修寬恤詔令 六月諸州未決之訟詔刑部歲終上于
尚書省擇其最久者罪之 丁丑董居誼使金值金國亂而回
丁亥復監司臧否守令及監司郡守舉廢吏所知法 丙申詔
諸軍主帥各舉堪為將帥者二三人 秋八月詔諸路監司帥
臣各舉所部官吏才行卓絕績用彰著者 唐午知思州田宗
範謀作亂夔州安撫司討平之 金人弒其主允濟豐王詢立
韓人攻金 國內亂詔四川謹邊備真德秀使金中道而回九
月韓韜國兵至紫荆關距燕京二百里金副元帥石烈執中欲
誘其兵南至涿易乃聚兵擊之韓韜破涿易至皂河之內欲渡
橋執中方病是乘車督戰韓兵大敗翌日再戰執中瘡甚不能
出遣高乞以紅軍五千拒之失期不至執中欲斬之金主珣以
其有功諭令免死執中益其兵令出曰勝則贖罪敗則誅無赦
高乞出戰自夕至曉忽北風大作吹石揚砂不能奔目高乞軍
大潰自度必為執中所殺遂引糾軍圍執中之府突入其卧内
殺之于是

都作部

成吉思皇帝留其將撤沒曷圍燕京而自將所降楊伯遇劉伯
林漢軍四十六都統同韓韜大軍分為三路攻取河北河東諸
州都是時中原諸路之兵皆簽姓山後一帶防邊無兵可守悉
簽鄉兵為兵上城守禦韓韜盡驅其家屬未攻父子兄弟往
還相呼認至是人無固志所至郡邑望風而降自冬至明年春破金
人九十餘郡 甲辰薊京湖通貢 三省樞密院日以小使臣
為之監門官至是命京朝官為之 閏九月戊辰詔御史臺考
課監司 湖北路旱傷詔監司守令賑恤 癸巳乙未兀二日
大雷乃下罪已詔 十一月虛恨蠻寇中鎮寨 十二月薊瓊

恨作限鎮作正

州丁藍錢 是歲而浙大水賑之

甲戌嘉定七年春正月丁卯朔何九齡襲秦州大敗沔州都統
王大才妄啟邊釁斬之 甲戌夜濠州鐘離野戰有三騎渡

無是字

淮而南出文書一囊絹畫地圖一冊云是韓韜國遣來納地請
兵守臣以不奉朝旨却之時韓韜國勢實已強大但居其故地
而於燕雲置行省命其大臣撤沒曷領其事焉 丁丑雷 參

政章良能薨 乙未黎州蠻卜籠十二骨降 三月丁卯安丙
同知樞密院事令日下起發赴院治事六月癸丑安同知自廣
安順水赴行在至近歲除觀文殿學士知潭州丙知朝廷疑已
乃工疏力辭不允乃遣官賫結局冊赴行在 董居誼為四川
制置使 庚辰金人來背二年歲幣 壬辰詔利路安撫節制
本路軍馬 夏四月癸卯福建納鹽 癸丑馬樞襲殺虛恨
蠻庫崖等 辛酉詔三衙江工四川諸軍具士馬寔數以聞
五月丁丑太白經天 乙酉親試舉人賜袁甫等五百四人及
第出身有差 壬辰有司考課祿之制哀類成書以為法式
六月旱 丁巳置嘉定府邊丁二千人 秋七月鄭昭先簽書
樞密院事兼樞密院參知政事 乙亥燕京乏糧金主告迂于南京
夏人來議夫攻金人恢復故疆董居誼初入蜀不之報 八
月癸巳朔罷關緡四川所增方田稅 癸卯渡建宗學 金人
復來背歲幣 真德秀請絕金虜歲幣上書曰竊聞女真以韃
靼侵凌徙粟于汴此吾國之至憂也蓋韃靼之固滅女真猶獵

使作便

師之志在得鹿之所走獵必從之既能越三關之阻以攻燕
豈不能絕黃河一帶之水以趨汴臣恐秋風一生梁宋之却已
為戰場矣使韃靼遂能如劉聰石勒之在中原則疆場相望使
為鄰國固非我之利也或如耶律德光之不能安中土則姦雄
必將投隙而取之尤非我之福也今當乘虜之將止而亟圖自
立之策乎抑幸虜之未亡而姑為自安之策乎夫用忠賢脩政
事屈群策收衆心者自立之本也訓兵戎擇將帥繕城池飭戍
守者自立之具也以愚恥和戎為福以息兵忘戰為常積安邊
之金猶飭行人之玉帛女真尚存則用之於女真強敵更生則
用之于強敵此苟安之計也陛下以自立為規模則國勢日張
人心日奮雖強敵驟興不能為我害陛下以苟安為志嚮則國
勢日削人心日媮雖弱虜僅存不能無外憂 九月壬戌朔日

策作計

用作施

有食之 太白晝見 癸亥雷 久雨詔釋囚 冬十月廢印
州嘉定監 命四川監司郡守辭見如旧制 十一月聶子述
使金賀正旦 黎川蠻蓄卜始降

後作援五下
有萬至安三
字

乙亥嘉定八年春正月詔奔將材 戊子申嚴金翠禁 二月
丙午雷孝友罷 蜀逋負米貸其囚繫 己未雨土 三月辛酉
詔奔廉吏大郡歲舉二人小郡一人 旱 五月辛酉鞞
鞞軍不戰而潰大名之兵八千至固安志潰惟真定之兵四萬
合保涿援兵一萬至旋風寨與鞞兵戰凡二日糧絕而敗內外
不通至是破之燕京宮室為亂兵所焚火月餘不滅 辛未雨
己卯命利路招次忠義人 甲申詔賊吏毋減年參選 秋
七月庚申置三省樞密院架閣官 辛酉鄭昭先參知政事曾
從龍簽書樞密院事 壬戌立楊巨源廟賜名褒忠旌誨曠
之功也 八月己丑賜張栻謚曰宣 庚子申嚴宗子訓名法
蘭州盜程彥暉求內附四川制置使董居誼却之 九月辛
未合祭天地于明堂赦天下 乙亥申嚴浙西園田禁 甲申
罷四川試法科 鞞鞞固兵破潼關固兵自河東渡河攻潼關
不能下乃由高山小路趨汝州過山礮輒以鐵鎗相鎖連接為

守作司

橋以渡於是潼關失守金主急召花帽軍於山東十月鞞兵至
杏花營距汴京二十里花帽軍擊敗之鞞兵復取潼關自三門
析津東河水合布灰引兵而渡自是不復出金人專守關輔然
陝西諸州間亦有為所破者燕南雄霸數州乃三關旧地塘溲
深阻鞞兵不能入又有遼東宣撫守蕭萬據遼東七路鞞兵不
能下金主南遷之後累遣使諸鞞鞞固求和而帝欲許之謂曰
譬如圍場中獐麋吾已取之矣獨餘一兔汝數年不能取盍遂
捨之其官撤沒曷不從遣人諭金主曰汝欲議和可去帝號稱
臣封汝為王金之羣臣不從有言於其主曰願以死雪國耻者
金自稱帝至是九十有八年而失國兩河全破山東畔之金人
東阻河西阻潼關地勢益盛遂有南窺淮漢之謀矣 是雨浙
江東西旱蝗

官作臣

丙子嘉定九年春正月乙丑賜呂祖謙謚曰成 命諸州置馬
軍司水軍 二月甲申朔日有食之 丙申雪 辛亥東西兩
川地凡四日大震 三月丁丑詔奔監司 夏四月戊戌秦州

帝字擬行

作浙西水脈血

唐進引衆十萬來歸四川制置使董居誼却之五月癸酉太白晝見六月戊申賑浙西水西川凡三日地震黎州山崩

秋七月上以邊縣擇才不拘常法其餘並遵三年之制詔邊縣官許起復冬十一月癸亥命利路備邊十二月癸丑以

宗學隸宗正寺丁巳雪給諸軍錢乙丑迁天水軍于旧天水縣置知軍以下官江東計度轉運副使真德秀附奏論邊

事臣切見金虜自失國南迁其勢日蹙比者鞬與西夏并兵東出潼關深入許鄭虜寇迫之狀見于偽詔所云近復傳聞

敵兵攻圍都邑遊騎布滿山東雖探報之辭不無同異要其大勢以河南數州僅有之地而抗西北二國方張之師加以羣盜

縱橫叛者四起危急如此不亡何待臣謹按國史女真叛遠在政和之四年甲子歲其滅遼也在宣和之七年乙巳歲是冬即

劫中原臣竊謂今日天下之勢無以異政宣之時陛下亦宜以政宣為鑒夫以皇鉅宋八葉重光至于政宣燕安湛溺之

餘紀綱蕩然無一足恃本根既撥枝葉浸之於是女真得以逞

政宣下均有和字

其凶殘攻陷我都城傾覆我社稷劫过我二聖荼毒我蒸民自

豈下有慈字

由其目有十失自蔡京倡豐亨豫大之說王黼開應奉享工之

門專以深侈益工心奢靡蠹國用土木之功窮極盛麗花石之

負毒遍江南甚至內進曲宴出女樂以娛群臣大臣入侍飾朱

粉以供戲笑于是荒嬉無度而朝政大壞矣其失一也自童貫

高俅送主兵柄教閱訓練之事盡廢工下階級之法不行潰敗

者不誅而招以金帛死敵者不卹而誣以逃亡於是賞罰無章

而軍政大壞矣其失二也政宣之世災異數見火星如月徐南行日黯無光洵欲動赤氣犯斗水冒都城當時羣臣恬不知警方且以怪孽為嘉祥變異為休徵此上不畏天戒其失三也政宣之際以言為諱張根論征欽之煩散官安置李綱論大水之變遠謫監征于是薦紳不敢言矣鄧肅以進詩諷諫屏出太學朱夢說以冒言官寺竄斥偏州於是布衣不敢言矣鈐結成風馴致禍敗此下不卹人言其失四也政宣用事之臣專以

微作證 避帝

邱作恤

毀忠忌賢為事凡累朝者成之望當代鴻碩之材不以姦黨廢則以邪等斥不以曲學貶則以異論逐排沮挫抑之餘舉國無君子矣雖欲久安得乎其失五也開國成家小人勿用而難任人變夷率服政宣之世京輔繼尸宰柄貫彼濫創樞運其翱翔臺省布列館殿非歌頌書生即膏梁子弟非奴事濶尹即翼附叔臣更引迭援在廷皆小人矣雖欲勿危得乎其失六也記曰四方有敗必先知之此之謂民之父母政宣小人專為蒙蔽以欺上聽劉法敗死西陲而童貫乃以捷聞方臘破東南六郡而王黼匿不以告郭葉師及邢已露而邊臣掩覆于外女真剋期入寇而大臣諱誨于中上下相蒙稔成大患至虜兵濟河而朝廷猶未之覺其失七也書曰民惟邦本固邦寧政宣小人專務聚斂以搖根本朱勳以貢奉擾浙右李彥以括田困京東蔡京改鹽鈔法而比屋嘆愁王黼創免夫錢而諸路騷動人不聊生散為盜賊雖微夷狄亦必有蕭牆之憂其失八也詩曰無競維人四方其訓之古者以一士寢敵謀片言折外侮政和初遣

使覘國而童貫實行遼之君臣相顧竊笑已有南朝無人之譏此事既興遂付戒律以僕隸之材當元戎之任節制不明諸將無所稟畏庸懦不武敵師得以憑焉於是女真知中國之無人而異志興矣此授任非材其失九也昔子產以蕞爾之鄭崎嶇強國間區區一環宜無愛於晉而子產則曰大國之人令於小國而皆獲其求將何以給之一共一否為罪滋大大國之求無禮以斥之何饜之有卒不與秦求地於趙趙欲與之虞卿曰王之地有盡而秦之求無已以有盡之地而給無已之求其勢必無趙矣趙用其計而秦不能加蓋有國者不幸與強敵為隣當有以服其心而不當徇其欲方女真欲遼國交兵雖戰輒克然視吾中國之尊高山大海未易測其雄深何敢遠有他志不幸姦臣庸夫希功寡謀唯恐無順適其意彼方邀吾歲幣則予以契丹舊數而不辭邀吾燕地稅賦則予以銀絹百萬而不靳至于索犒師則許以犒師欲貸糧則許以貸糧一事方酬而一事已生前請未塞而後請復起一切順承無敢或戾而南牧之師

已侵尋於境上矣蓋犬豕豺狼本無饜足徒知徇其欲而無以服其心其禍固應爾也或者惟以納張鼓結余覩為造孽之由而不知召侮取輕其漸非一雖微結納之事其能保盟約之不寒乎此處置事宜其失十也今陛下聖德清明萬無此失然獨怪一人憂勤恭儉無魏仁祖之風而羣臣盤樂怠傲乃有宣和之習東南民力耗於軍餉者十八而士卒窮悴常有不飽之嘆災異頻仍修省之實未覩言路壅塞讜直之士弗容君子非不參用而正論未嘗伸小豕非不欲遠而謾諛猶或得志蒙蔽之風日熾聚斂之政日滋此失未除臣恐後之視今猶今之視昔也雖然臣外有司也其於內事不敢盡言獨請為陛下深陳所以待夷狄者臣觀韃靼之在今日無異昔者女真方興之時一旦與吾為隣亦必祖述女真已行之故智蓋女真嘗以燕城還我矣今獨不能還吾河南之地以觀吾之所處乎受之則享虛名而召寔患不受則彼得以陵寢為詞然大義以見攻女真嘗與吾通好矣今獨不能早辟遣使以觀吾之所答乎從之則要

索亡饜豈能滿其溪壑之欲不從則彼得藉口以開釁端黷虜之情必出於此不可不豫圖所以應之也有三數年來謀國不深惟長筭而一切倖安曩者虜在燕京吾以歲時聘問已非獲已彼既播越而南獨不思遷延其辭俟復燕山然後玉帛往來如故乃使大宋臣子拜犬羊於祖宗殿庭之下其誤一也歲幣之弗遣是矣然不以還燕為詞而諉曰漕渠乾涸使殘虜得以移文督責中原豪傑聞之寧不以寡謀見哂乎其誤二也並邊遺民皆吾赤子窮而歸我當示綏懷疆吏非人惟知拒却固已絕中原之望甚者視為盜賊戮之焚之上流制閩之臣明揭大榜來者即行勦殺西州總戎之帥殺程彥暉一家骨肉於黑谷山秦隴之人莫不切齒召邸國之侮開邊鄙之隙結遺黎之怨逆上帝之心孰甚於此其誤三也積此三誤而吾國之威靈氣歛索然矣謨昭烈有言事會之來寧有終極夫誤於前者不可悔而應於後者猶可為所願朝廷毋再誤而已厥今庸人之論有二不曰虜未遽亡猶可倚為屏蔽則曰中原方擾未暇窺我

江淮凡此皆誤國之言不可不察虜之必止無愚智舉知之臣
不復重陳若昔五胡之亂江左粗安者蓋以羣醜並爭莫能相
一故吾江表得以媮旦夕之安及堅既滅慕容旋起吞晉之謀
元魏已併諸胡遂萌飲江之志今新虜穢張盡有河朔而楊劉
群盜人皆往往服從臣恐五胡角立之勢殊未可為江左苟安
之計也或又以為安邊置所儲時日豐以此餌敵何患不濟臣
竊謂不然夫金繒遺虜雖後世偃兵息民之權宜然用之於國
勢委靡之時則適以召侮而不足示思宣和之事是也倘不思
自強其國而倚宣遺以幸一日之安臣知其非策矣昔孫氏以
區區之吳而當強大之魏若未易為力者然其君臣相與策勵
遂能挫曹公虎狼之敵晉氏東遷至岌岌也徒以將相有人處
分得所卒能破符秦池豈下於吳晉者而中外有司忠誠憤激
者少委靡頹惰者多一聞赤白囊至則相顧失色不知

所為少定則又帖然矣國家平時不愛名器爵祿以寵士大夫
一旦有急未見有毅然以戮力王室自任者此臣之所以大懼
也夫天下之勢猶長江大河上流決潰下流必無獨寧之理今
荆淮以北數百里間干戈搶攘戎馬雜襲正如熊咆虎闐僅在
藩垣之外而或者乃曰無預吾事彼其中心實不謂然姑欲禁
漏目前攫取名器爵祿而去至于宗社生靈之憂則使陛下獨
當之耳彼群臣為一身計可也陛下為人子孫任九廟之託柰
何付安危于度外乎陛下誠欲尊國勢以弭外虞則政宣之于
失必當懲近日之三誤必當戒庸人之論必當破自強之計必
當立至誠一心對越上帝廣謀無聽曲盡下情以收天人心
以合中外之助庶天下事猶有可為者若或上下悠悠養成深
患機會浸失事變日殊臣實未知所終也

漏作漏

續資治通鑑卷之十五

寧宗四

丁丑嘉定十年春正月辛巳雷

癸巳雨土

乙未大風拔木

案上丙子嘉定九年此年未誤字當衍

二月庚申地震

壬戌雪

夏四月金人犯光州中渡鎮執

推場官盛允升殺之犯樊城都統王守中引兵戰却之金人遂

分兵圍枣陽光化廬州鈴轄王辛敗虜于光山縣之安昌寨殺

其統軍完顏掩隨州光化軍皆以捷聞金人遁歸李珣江淮

制置使趙方京湖制置使詔措置調遣仍聽便宜董居誼四川

制置使命酌量緩急便宜行事久雨詔釋囚五月甲申親

試舉人賜吳潛等五百二十三人及第出身有差癸卯趙方請

無等字

下詔北伐遂傳檄招諭官吏軍民六月庚戌太白晝見戊

午詔厲將士詔畧曰朕厲精更化一意息民犬戎跨我中原天

厭久矣狐兔失其故穴人競逐之豈不知机会可乘讎耻未雪

念甫伸于信誓實重起於兵端若能立非常之勳則亦有不次

之賞尚其聽命朕不食言辛未東川大水癸酉太白經天

秋七月丙子朔日有食之。不雨釋諸路杖以下囚。甲申雅州復寇邊焚碣門寨遣官軍討之。唐子罷軍士淫刑。八月乙丑詔監司郡守各奔威勇才略可任將帥者二人。冬十月久雨。十一月丁丑大風。庚辰太白晝見。甲申詔浙東提舉司出米十萬石賑給貧民。戊戌太白經天。十二月戊申以軍興故募民納粟補官。乙卯詔武奔母應文奔。金人犯四川迫湫池堡陷天水軍守臣黃炎孫遁。金人破白環堡迫黃牛堡至大散關統制劉雄奔關遁。金人據關。戊寅嘉定十一年春正月京東忠義人李全率眾來歸詔以為京東路總管。戊子金人圍皂郊堡二月陷皂郊王師與戰勝負半之死者五萬人四川制置司招忠義復皂郊。二月利州統制王逸等率官軍及忠義人收復利州麻仲率忠義人焚秦州永寧寨詔四川忠義人立功其賞視官軍。金人犯隔茅關吳元都統李貴遁而軍大潰。二月金人焚大散關而去。金人攻隔湫池堡圍隨州棗陽軍遊騎至漢工均州守臣應謹之棄

武舉下有字

無路字

棄作駐

城走金人糧舟棄大清河楚州鈴轄梁招祖焚其舟京東忠義副都統沈鐸遣兵助之金副統制完顏贊包長壽遁去汴州軍士郭雄追斬贊首而還長壽僅以身免。丙辰白虹貫日。三月忠義人十萬出攻秦州官軍繼進至赤谷口忽王逸傳劉昌祖之命退師而忠義軍遂潰。癸巳金統制包長壽合長安鳳翔之眾渡攻皂郊不克引兵趨西和州劉昌祖焚西和州而遁守臣楊剋家棄城去昌祖又焚成州守臣羅仲甲亦棄城去戊戌金人陷西和州至四月金人去成州又去西和州。夏四月鎮江忠義統制彭惟城等敗于泗州。命四川增印錢引五百萬以給軍費。階州守臣侯顯遁。戊午金人犯大散關守將王立遁與元都統吳政至大散關執立斬之。己未犯黃牛堡吳政引兵與戰金人遁軍聲大振是冬賞吳政張成功各進三官竄劉昌祖羅仲甲楊剋家以正棄城之罪。五月乙亥命四川制置司招集忠義人。癸未崇尤旗見其長竟天。壬辰彗試官七等之制。六月湖州水詔恤貧民。秋七月乙酉脩孝

成作威

述上有字

州作都

宗室訓 辛卯蠲四川閬外諸州稅役 甲午蠲光州民兵戰
 死之家稅後 九月辛巳合祭天地于明堂赦天下 十一月
 戊午大風 壬申金人犯安豐黃口灘 陝西人張羽來歸
 己卯嘉定十二年春正月戊辰朔召董居誼赴行在以聶述為
 四川制置使 庚辰金人犯湫池堡守將石宣戰却之甲申攻
 白環堡守將董招戰却之戊子犯成州越四日焚成州而去河
 州都統張威自西和州退守仙人原原宣犯隨州東陽軍又破
 信陽軍之二寨京西諸將引兵拒之辛卯犯西和州守臣趙彥
 叻設伏待之金人大敗而還犯安豐軍建康都統許俊遣將拒
 之犯河池守將張斌遁去癸巳攻光化軍破勳山縣進逼均州
 圍安豐軍及滁濠光州江淮制置使李玘命池州都統制武師
 道忠義軍都統制陳孝忠舉重兵如援金人不能進甲午陷夔
 州守臣雷震棄城去州民与之巷戰乃夷其城乙未犯黃牛堡
 吳政戰死金人乘勝攻武休關 二月戊戌朔金人破光山縣
 太白晝見 壬寅圍襄陽軍京湖制置使趙方遣統制扈再

班作班

無如字

興為援金人乃解圍 癸卯破黃牛堡與元都統李貴遁還利
 路權與元府事趙希哲棄城去丁未陷興元府 己酉遣殿前
 司軍凡八千人防捍江西 庚戌曾益龍除同知樞密院事兼
 江淮宣撫使 任希夷簽書樞密院事 辛亥金人陷大安軍
 守臣李文子棄城去又分兵犯蔡州守臣蔡晉卿遣兵拒之不
 克而城陷河州統制石宣擊金人于大安軍大破之金將已士
 魯棄軍走為我師所獲金人聞之遂遁去三月金人焚洋州城
 而歸 壬子四川制置董居誼自利州遁去詔奪官永州居住
 丁巳京湖制置使趙方遣統制扈再興等引兵三萬餘人分

道出攻唐鄧州隨州忠義軍劉世興鄂州都統劉世榮各以兵
 來會 乙丑西夏來議夾攻金人利路安撫丁燦許之乃以事
 聞六月丁燦以書與夏人定約 三月己巳鄭昭先知樞密院
 事曾益龍參知政事 乙亥興元軍士叔興等作亂犯巴州守
 臣秦季樞遁凡十二日而興降 丁亥太白晝見 甲午金人
 自盱眙退師 閏三月己未雷雲棄城竄梅州 辛酉旌吳政死節

二作三

贈忠州刺史 壬戌詔諭四川官軍忠義人 癸亥興元軍士
張福莫簡等作亂以紅巾為號四月入利州制置聶子述適總
領財賦楊九鼎為所殺由是掠閬州及果州五月逼遂寧府攝
府事程遇孫棄城去福焚其城四川宣撫司命沔州都統張威
捕之福入普州守臣張已之棄城去福屯于普州之石山庚午
威引兵蒼山九十四日莫簡自殺福請降威執之以歸于宣撫
司誅之 金人圍安豐軍及滁濠州乃分兵自光州犯黃州之
麻城自濠州犯和州之玉磧自盱眙至滁州之全椒來往揚州
之天長真州之六合淮南流民渡江避狄諸城皆閉金人遊騎
數百至東來石楊林渡建康大震命京東總管李全自楚州忠
義總轄李先自漣水軍各引兵來援金人乃遁去全擊敗之于
曹家庄斬其首數千獲其貴將或以為金主女嬀云四月曾從
龍罷鄭昭先兼參知政事 安丙為四川宣撫使 五月召聶
子述降兩淮荆襄湖北利州路沿邊諸州雜記死罪因仍蠲今
年租稅 太學生何處恬論尚書胡榘欲與金人議和請誅之

以謝天下

詔舉文武可用之才

六月丙子太白晝見辛巳

太白又晝見

西川地震

丁亥金人以書招李全，卻其書。癸

亥京東總管李全舉兵至齊州金守臣王贊以城降十一月京

東路帥司言剋復京東河北二府九州四十縣 八月合利州

午作子

東西為一路

九月丙午

以李太東為沿江制置使趙善湘主

管淮西制置使公事賈涉主管淮東制置司公事兼節制京東

無城字

河北路軍馬

十一月乙亥築興元府城

丁丑雅州蠻入府

山縣 已邲四川宣撫司議出師取洮州招諭中原豪傑官民

勸以歸附會乙酉金人犯鳳州之長橋乃引兵出援命罷洮州

之師 已丑京湖制置司遣統制扈再興等引兵六萬人分三

道取中原 庚寅賞茗山捕賊功

庚辰嘉定十三年春正月京湖制置司統制扈再興引兵攻節

州鄂州都統許因攻唐州不克而還金人追之遂寇樊城荆湖

制置趙方督諸將大破之金人遁 已亥雅州蠻復掠廬山縣

戊午夏因復以書來四川議夾攻 三月辛卯雨土 丁巳

度作慶

黎州土丁叛 夏四月淮東制置賈涉招諭山東兩河豪傑
 以來歸 戊戌史彌遠工三祖下第七世宗藩度系錄 六月
 癸酉親試奉人賜劉渭以下四百七十五人及第出身 安丙
 為少保 丙子以李全為權武衛大將軍 李先除漣水軍忠
 義副都統命赴樞密院奏事未至殺之 秋七月以京東河北
 諸州守臣空名告身付京東河北節制司以待豪傑之未歸者
 丙午任希夷兼參知政事 癸亥皇太子薨謚曰景憲 八
 月壬申四川宣撫使安丙遺夏人書定議夾攻金人 甲申復
 海州以徐禹稷知州事 盱眙將石珪叛入漣水軍詔即以石
 珪為漣水軍忠義統轄 九月辛卯夏人引兵圍鞏州且來趣
 師王任信引兵發宕昌甲午太白晝見乙未四川宣撫司統制
 質俊李寔引兵發下城戊戌四川宣撫司命諸將分道進兵沔
 州都統張威出天水利州副都統程信出長道與元副都統陳
 玠出大散關與元統制田冒出子午谷金州副都統陳昱出工
 津已亥張威下令所部諸將毋得擅進兵而諸將遲疑不進

力作五

壬申下字空

寅質俊等敗金人於定邊城乙巳程信王任信引兵與夏人會
 于鞏州城下攻城不克九月信引兵趨秦州丙辰夏人自安遠
 退師十月丁巳朔程信邀夏人引兵共攻秦州不聽遂自伏羗
 城引軍還諸將皆罷兵 九月甲午太白晝見 金人犯皂郊
 堡沔州統制董焯與戰敗績 冬十月斬王任信罷張威職
 名以不進兵故也十一月詔利正皇帝日曆 庚戌大風 壬
 子臨安火 十二月壬申石珪叛歸鞏 乙未雷 地震 李全
 辛巳嘉定十四年春正月丙戌朔雪 乙未雷 地震 李全
 自山東還乃犒師 庚子立四川運米賞格 二月戊辰金人
 圍光州己巳犯五關壬申治州於團風弗克濟金人圍黃州分
 兵破諸縣及漢陽軍丁丑李全棄泗州遁還甲申詔淮東京湖
 諸路應援淮西防守江面叔殿司事馮榭援蘄黃榭延不進
 三月扈再興引兵攻唐州不克尋引所部趨蘄州李全自楚
 州引兵來援淮西 長星見 金人見黃州守臣何大節棄城
 遁自沉于江金人犯蘄州守臣李誠之戰敗城陷殺其妻子奴

茲作坊

婢然後自殺官屬多死之金人退扈再與邀擊之于天長鎮金
人大敗次日大戰斬首數千四月李全臨淮追擊之殲其大半
○四月乙卯復置諸王宮大小學教授○乙丑命任岳薦試於
御史臺○五月甲申朔日有食之○史彌遠上孝宗皇帝寶訓
皇帝會要○丙申西川地震○六月甲寅朔沿江制置司置副
使于鄂州○丙寅立貴和為太子賜名茲封祁國公王即濟○辛
巳大風○秋七月丁亥蒙國大將獻本朝皇帝恭膺天命之寶
詔礼官定論受寶典禮以聞詔以來年元日受寶於大慶殿○
辛丑趙方為京湖制置天使賈涉為淮東制置使○丁未修光
宗寶訓○八月趙方卒○參政任希夷罷○壬戌宣繒同知樞
密院事○甲子立興宮為沂靖王後賜名貴誠即理宗○九月
辛卯合祭天地于明堂赦天下○冬十月京東河北節制司奏
復滄州詔以趙澤為河北東路鈐轄知州事○甲寅以齊州為
濟南府兗州為襲慶府○丙寅夏人復以書來四川趙兵伐金
○庚午雷○十一月癸未詔左翼軍受泉州節制○己亥少保

使上有遺字

安丙薨○京東安撫張林叛以京東諸郡降于韃靼人○韃靼
國使葛合赤孫等來計事○十二月庚申鄭昭先罷○閏十二
月辛巳朔宣繒兼參知政事俞應符為權參知政事○殺華岳
先是岳言時政忤時相以殿前司同正將授岳後誣謀變殺之
○賑諸州水旱

招作詔名爲

壬午嘉定十五年春正月庚戌朔御大慶殿受寶赦天下○褒
贈蘄州死事官吏官其子孫有差旌李誠之死第立廟蘄州○
招作詔名爲丁巳招諭山東河北○甲戌陞鄂州武昌縣名壽昌軍○三月
賑江西旱傷○夏五月庚戌太白晝見○甲寅禁州縣匿囚○
丁巳皇子竑進封濟國公○己未皇妹貴誠遷邵州防禦使○
壬戌知濟南府種贇等攻叛將張林於青州林遁去○己巳修
孝宗經武要略○六月辛卯權參政事應符薨○秋七月甲子
詔條畫營田○八月己卯命戶部詳議義役○九月辛亥宣繒
參知政事程倬卓同知樞密院事薛極賜出身簽書樞密院事○
癸丑雷大雨雹○壬戌夢見○辛未太白晝見○冬十月丙子

政下字事字
應上有命字

以忠義人收復京東州郡犒賞有差。十一月戊午令京東河北路罪無輕重皆除之。十二月雪寒賑臨安府貧民。丁亥李全除保寧軍節度使京東河北鎮撫節制司副使。癸未嘉定十六年春正月嚴賊吏法。已酉王子城生踰月而薨。丁巳雷。辛酉命准東制置司賑濟山東流民。二月戊子雨土。三月京東河北路鎮撫司言張林所部邢德來歸詔以德為京東三路副總管。丁卯賑道州飢。夏五月戊申賜蔣重珍等五百四十九人及第出身有差。六月壬午准東制置賈涉卒。丁酉同知程卓薨。秋八月辛巳詔州縣經界毋增銘與稅額。癸未申嚴船舶銅錢禁。九月庚子朔日有食之。冬十一月辛亥賑太平州水。十二月辛巳松江被水州募民入米補官。壬辰雷。甲中嘉定十七年春正月戊戌朔錄程願後。命准東西湖北路轉運司提督營田。三月癸巳蠲台州逋賦。三月癸丑雪。金人迫西河州聞四川制置司軍至乃引兵還。夏四月辛

白作合

卯賑庠州飢詔本州賑粟。乙未犒李全賜李全彭義斌錢三十萬緡為犒賞將士費。五月詔覈寔兩淮京湖四川江上諸軍之數。六月丁卯朔太白晝見經天。辛未皇孫銓生尋薨。癸酉知西和州尚震午謀適取岳州。大名府蘓椿舉城來歸詔知大名府。丁酉賑福建水。八月乙亥罷通州天賜鹽場。丙戌上不豫。閏八月丁酉帝崩于福寧殿年五十七謚曰仁文哲武恭孝皇帝廟號寧宗。楊皇后史彌遠立貴誠為皇子進封成國公即皇帝位尊皇后為皇太后垂簾聽政廢皇子竑降封濟陽郡王出判寧國府。立理宗而殺濟王殆非寧宗之意也先是濟王書于几上明

言楊后之事云史彌遠當決配八千里左右以告彌遠彌遠樹之時真西山魚王宮教聞其事遂力辭去臨行謂王曰大王若能孝於慈母而敬於大臣則即位之除必矣寧宗疾草詔廢濟王其事寧皇太后彌遠專之吁宋一代家法最正諸后最賢傳受最明至寧宗之末楊后彌遠之惡濟邸之死理宗

之立而後所謂家法之正后德之賢遂掃地矣使潘壬潘丙
之謀成則彌遠將何所容其身哉然理宗之立猶能撐拄五
十年而後止不可謂非幸也

續資治通鑑卷之十五

三月朔日校



劉時舉中興通鑑十五卷竹垞檢討有跋見曝書亭集余
家藏舊鈔本丙子祭長恩前六日過中吳訪黃堯圃主事
士禮居以家藏書目永思錄求序堯翁見錄中有是春因
以所藏不全本屬為鈔補其書僅存八卷至十五卷新年
攜歸補全竝以兩本互校是本字畫訛舛特甚賴以勘正
並補抄八卷十三卷十四卷闕葉各二翻黃本闕卷九宏
告下十五行卷十二首二兩頁卷末十一十二各半頁其
脫行脫字並先後錯亂者亦有數處各為補正庶幾可讀
惜七卷以前無從合勘耳 嘉慶丁丑三月上澣壽暘識

昨臘過吳時適簡莊徵君以先一日至古札居即揚帆往許墅
矣今春抱病歸決月而歿未及以此書相賞析展閱之餘可
勝老成凋謝之感也三月十六日寄堯翁札又記

是歲中夏堯翁復見元刻本因以所藏八卷校勘寄示爰

照錄于上元刻亦有訛字然有兩抄本俱誤者元刻不誤

且十四卷得以憑下黃本脫二十字破符秦下脫二十二字非

見元刻幾不可讀惟自七卷以前緣余代鈔之本寄吳稍

遲致未全校甚矣余之濡也堯翁尚欲再從書友固求借

校以盡其美未審得遂否耳 中秋日又記

忠勇軍右廷

邊第三指揮弟

三都 虞候記



十月二十四日又記

頃何夢華上舍過訪言其舊藏曾有瓶罍等三
影宋本中興通鑑首題壽名係大字餘亦細字
密行有尺鳧先生手跋及圖記曩歲友人假去
不能記憶其處當至吳中詢訪之倘取回与此合
校不更善哉夢華嗜金石因以二印拓本贈之

右朱祀同里陳簡莊徵君所藏攷宋志忠勇軍謀
侍衛司咸平五年立指揮一熙寧後二員按是編首
卷載建炎元年因李綱議募兵仍創驍勝壯捷忠勇
義成龍武虎威折衝果毅定難靖邊十號每號四軍
云：準以每軍一指揮之例是當有四指揮矣頃閱是
條爰從士鄉堂鈐印文此冊以資好古賞玩茲為是
印益一澄據惜徵君往矣未及進質為之憮然



句當公

事之印



丁巳二月初者江安傅增湘借觀

古印乾隆甲辰秋先子與簡莊徵君遊杭得于金
芝麻巷市中背文湯滅不易辨釋出正隆四年四字
後即以贈徵君未及細審頃余校中興通鑑于徵
君哲嗣處詢及是印許并前朱記歸余因以它物
易之余時加諦視似年下尚有字迹並左方亦尚有
字遂細加洗剔見為六年非四年下有八月二字左
方有汴少府監造五字蓋字畫本係填金又為青
綠所掩未能摩拓須映日視之其迹始顯按正隆
六年為宋紹興三十一年是時金主亮徙汴太府少
府皆從行故有汴少府監之稱是編載金人伐金事
與宋史全文相出入余既作攷并四絕句遂鈐識于此



卷之三